

D E
ARTHRITIDE
VERA ASSERTIO,
EIVSQVE CVRANDAE
METHODVS, ADVERSVS


Paracelsistas,

AVTHORE.

TVSSANO DVCRETO

Cabilunense, Medico.

Bib Tac de coll Rom Soc Sci




LVG DVNI,

Apud Bartholomæum Vincentium.

M. D. LXXV.





ERUDITISS. VIRO,
ARTIVM ET MED. DOCT.

*Dom. Thomæ Erasto, professori
primario in Academia Heidelber-
genſi, Tuſſanus Ducretus S.*



ST mihi quidem
in primis grata ve-
ritatis diſquiſitio T.
Eraſte, vir eruditissi-
me. eſt & iucundiſſi-
ma rei melioris inuentio, à quocū-
que tandem proficiſcatur. Sed, mi-
hi crede, tantum abeſt, vt noua
Chymicorum μηχανήματα, mihi vi-
deantur hoc nomine digna, vt ea
potius non modò inutilia ac peni-
tus abſurda exiſtimem, ſed etiam
monſtri ſimillima, necnon & im-
pia erga auguſtam medicine artē,
tot ſeculorum felici experientia

comprobatam. Habet enim hac
ætate, si vnquam aliàs, nostra hæc
medicina suos ἀλάστορας, & sua, καρμι-
νώματα, quibus non modò probi,
quorū maximè interest, pro viri-
bus ex officio sese debēt oppone-
re: sed quotquot sunt veritatis a-
mantes. Nec tamē post te insignē
Athletam, & mōstrorum istorum
domitorem egregium, nouū hoc
certamen vnquam iniissem, nisi
sese noua quoque obtulisset occa-
sio. Nam etsi tua excellenti opera
immanis illa hydra dudum expu-
gnata, ac etiamnum prostrata fuit,
vt nunquā denuo assurrectura vi-
deretur: nouum tamen caput no-
uissimis hisce tēporibus exeruit,
nobis nouum bellum denūtiāns,
non tantūm fornacum ignibus,
sed scriptorum etiam telis, quasi
perpetuum classicum aduersus sa-

croſanctam Medicinam ſuccine-
ret . Iam quid in hac noua ho-
ſtium expeditione faciendum ſit,
vides . Te vnum propugnatores
acerrimum aduocat medicina : o-
pem,inquam, auxiliũque tuum
vnicum implorat , & efflagitat,
quoniam huic defendendæ , & à
nouorum hoſtium impetu vindi-
candæ , te tot nominibũs obſtrin-
xiſti . Nec eſt certè quiſquam tem-
poribus hiſce, qui (quod citra af-
ſentationis ſuſpicionem dictum
velim) melius illam ab omni iniu-
ria vindicare, fortiũſque hoſtium
quorumuiſ impetum frangere ac
reprimere valeat . Ego tamen in-
terea, quod mihi ex officio incum-
bere viſum eſt, cum paucis quibuſ-
dã aliis veram medendi artem
colentibus , præſenti hoſti etiam
pro virili parte occurrendum pu-

raui. Atque adeò è re nata oppo-
sui velites & ferentarios milites,
quos habui expeditos, dum tu ca-
taphractos atque triarios paras (si
pugnando impares ac minus for-
tes videamur) quibus aperto mar-
te contendas: finémque tandem
imponas pernicioso isti bello,
quod nimirum corporibus homi-
num, crumenis, moribus, vniuersę
denique reipubl. literarię pestem
exitiumque minatur. A rixis ac li-
tibus equidem omnium maximè
abhorreo, pacatam ac modestam
rerum συζήτησιν vnicè expeto. Sed
quoniã iã fuimus lacesiti, ecquid
supereffet animi palàm facere coa-
cti sumus. Equidem (quoniam no-
stra fere Medicina est σοχαστικὴ) vti-
lius commodiúsve inuentum non
aspernarer, si nostrorum homi-
num δευτέρα φροντίδες σοφώτερον aliquid
affer-

afferrent. Sed profectò si non aperta vi, at occultis certè cuniculis opugnatur nobilissimæ artis auctoritas, grauissimo quidè totius humani generis incommodo : cui nos quasi custodes muneris nostri ratio præfecit. Quare age, mi Eraste, vti soles, laboranti medicinæ, quam potes, affer opem : & quò te officium, quò te singulares dotes quibus es ornatus, vocant, veni. Miraberis fortasse quorsum hæc, cùm tibi nō modò facie incognitus: sed ne vix quidem tyro habitus: ita te vnicum spectatæ virtutis Triariorum summum ac præstantissimum ducem compellare auserim. Sed ad te iam dudum, mihi crede, scribere statueramus, vt tibi loco thesæus de Contagio, & totius substantiæ morbis, tam doctè & eleganter exarata, & ad nos

transmissæ nonnihil rependere-
mus: & vt in quo hæctenus fueri-
mus occupati, quominus tibi satis
fecerimus intelligas. Enimuero
cùm ab iis per quos maximè cau-
sa medica tuenda fuerat, hodie
non modò deserta, sed etiam pla-
nè oppressa foret, ad te vnum con-
fugere, téque obnixè rogare non
dubitaui, vt subsidiarias cohortes
ad nos traiciendas cures, quò in
aduersarios magno agmine factò,
eos omnes obruamus, ac penitus
pessundem⁹. Habes, vir eruditissi-
me, institute à me istius scriptionis
causas, quam ad te mitto, licet de
facie incognitum, genere tamè ve-
rè cognitionis, id est, ingenii foetu
notissimum: vt meæ erga te volun-
tatis & obseruantix publicum ac
perpetuum extet monumentum.
Vale, vir doctissime.

A D



AD LVDOVICVM
VILLANOVANVM DOCTO-
rem medicum, & fratrem cha-
rissimum, Tussani Ducreti

EPIGRAMMA.

*Artis Apollinea tua mens ditissima vera,
Est simul eximio prae data iudicio.
Sape graues medicas nostri componere lites,
Falsaque constanti dirimis arbitrio.
Insanos curas tu corporis arte labores,
Regula quod vera sit tibi certa via.
Nostra tibi mitto, licet hac opis indiga vestra,
Defendi possit qua medicina parens.
Est genus inuisum superis, de stirpe Gigantum,
Palladis & Phœbi mystica sacra perens.
Palladis ô quondam nati, Phœbi que nepotes
Ferte manum celeres: Villanouane tuam.
Sic demum medicis pulchra cum laude colonis
Vber ab exiguo semine messis erit.*

*Ite proci, medica fœdantes virginis ora:
Oscula nam poscit non nisi casta dari.*






Εἰς τὴν Τουσανοῦ βίβλον περὶ
ἀρθρίτιδος.

Ἰηθεὺς γὰρ ἀνὴρ πολλῶν ἀντάξιος ἄλλων,
Πρὶν ποτ' αἰοιδιάων εἶπε Μελησιγῆης.
Οὐπω δ' ἔγωγε θέρει, ἔγωγε εἶδεα νέσων,
Ὅσα βροτοῖς τεῖρει λυγρὰ νυκτὶ μελέοις.
Μαιονίδη, τί κ' ἔφη, βίβλον εἰσίδες εἰ τότε
τῷδε
Ἀθήρην, ὠδίνων τ' ἄμμιγ' ἀπεσοίλω;
Εἶπες αὖ, ὦ Τροσάνε, γῆρος τέον ἔκδοτὸ γούης,
Οὐρανόθεν ὃ βροτοῖς ἦλθεν ἀλεξίκακος.

Φραγκίσκου τοῦ Πόρτου.



Ἰαίου Αντανίου τοῦ Σαρχικηνοῦ
ὀπίγραμμα.


Τῇ ἀγείᾳ πολλοῖς ἀρθρίᾳ ἀπὸ ἀπὸ προσήκει
Ἰδμεναι γὰρ ἐθέλης, τῷ δ' ἀνέλιθε βίβλον.
Ὅτι νούου ἰδεᾶς τε καὶ αἶπα πάντα διδάσκει,
Σήματα, καὶ κεν ἀκηεὺς μάλα καὶ ἀκριβῶς.
Τὴν χάμε Τροσανὸς, πολλῶν ἀντάξιος ἄλλων,
Οὐνεκα χεῖν αὐτῷ χεῖν χάριν ἀθάνατον.

Anto-



Antonius Fayus.


*Nodosam podagram negavit ille
Soluti posse manu medente. solui
Et tolli medica manu podagram
Nos at dicimus. Ille nam priorum
Artem viderat, & rudem ac inertem,
Infauftamque nimis: videmus at nos
Felicem Ducreti manum & peritam,
Artis nec minimo decore claram.*



D. M.

*Quos onerosa premit misere ac sine fine podagra
Huc properent: certum namq; leuamen adest.
Non secus ac varios fructus pergrata colono
Fœnora solerti dat bene cultus ager:
Diuersis ita fert diuersa solatia morbis
Ducreti medica plenior arte manus.*





SIMPLICIS VERAE-
QUE MEDICINÆ STV-
diosus Ducretus, Medicus S.



*Citè ac eleganter à sin-
gulari quodam artifice
dictum est: ὅτι ἐν τῷ μεγάλῳ
τὸ εὖ, ἀλλ' ἐν τῷ εὖ τὸ μέγα.*

*Id est, magnum id esse, quod bene est:
non item bene esse, quod magnum vi-
detur. Hoc ipsum quàm aptè & oppor-
tunè nunc vsurpari, ac in temerarium
vulgi iudicium obiici possit, nemo adeò
rerum ignarus est, qui non diiudicer.
Cum enim plerique rerum diiudicanda-
rum haud ita periti, verborum fortè
quorundam non intellectorum novitate,
atque adeò nimia quandoque garruli-
tate illecti, suam velint proferre senten-
tiam: quod rectum, ac rationi consenta-
neum*

necum est, pernegant, falsum verò & à
 ratione alienū quidquid est, nimis faci-
 lè admittunt, probant, atque adeò nigra
 (quod aiunt) in candida vertunt. Id etsi
 cæteris in artibus & scientiis quotidia-
 na demonstret experientia, maximè ta-
 men in arte medica, omnium artium (ut
 mihi quidem videtur) præstantissima
 ita comprobatur, ut de eo conqueri iu-
 re possimus. Nam ars hæc quæ vitæ hu-
 manæ, ac publicæ salutis veluti custos à
 Deo opt. max. est tradita: quæque tot
 seculis miseris mortalibus, in expugnan-
 dis ac debellandis tot tamque ferocib.
 sanitatis hostibus plurimum profuit:
 hac nihilominus tempestate ita defæda-
 tur, atque conspurcatur, ut vix illius ni-
 toris, ac pristinæ (ut ita dicam) formæ
 quicquam supersit. Enimuero quamvis
 non paucis abhinc annis, tot tantique
 viri, omnium rerum peritia insignes, do-
 etrinæque singulari præditi, ab omni eâ

spurcitia vindicauerint, ac vera dogmata à falsis, vtilia præcepta ab inutilib. accuratè distinxerint: non paucos tamè subesse comperias, qui nouo ac prioribus seculis inaudito dogmatis genere, illam nō modò concutere, sed & funditus euertere, ac denique genuinam illius formam, non sine maxima humani generis perniciè, planè deturpare omni studio contendunt. In his hæresiarcha Paracelsus, & quotquot sunt eius assèclæ, nouorum medicorū titulis gloriantes, primas tenent. Quippe reiectis omnino propriis, vsitatis, ac significatib. rerum notis ac vocibus, novas, inusitatas, ac etiam nū absurdas excogitare non sunt veriti, quo facilius merces suas incauta plebecula venditarent. Eiuscemodi obscura illorum vocabula, ipso (vt aiunt) nodo Gordiano longè magis indissolubilia, ac denique nihil planè ad rem pertinentia, quid attinet commemorare,

cùm iis illorum libri sint refertiſſimi. Ta-
lia enim ſunt innumera, quæ pro aliis iã
longo uſu receptis uſurpauere. ut eſt il-
lud eorum Baſamum, pro calore inna-
to. Menſtrum, pro medicamento &
compositionis baſi ac fundamento. Sul-
phur, Sal, Tartarum, pro principiis
ac elementis mixtorum, vel pro humori-
bus ipsis: quos quidem illi nuſquam agno-
ſcunt. Dum hæc tria ſola, ut rerum om-
nium, ita & morborum eſſe cauſas, ar-
etè accuratèque defendere nituntur. So-
lis enim tribus hiſce conſtare omnia vo-
lunt, & in hæc ipſa reſolui, quaſi eſſent
ortus atque interitus noſtri authores,
& cauſæ primariæ: ita ut verbum vix
vllum ab illis proferri poſſit, quod ſalſi-
laginè, ſulphur, & tartara non fæteat,
Quinetiam ex eo numero ineptiſſimus
quidam, dum hanc ipſam de tribus prin-
cipiis opinionem acerrimè defendere co-
naretur, vrinam aſſerebat (hac enim tã-

quam maximè probabili demonstratio-
ne utebatur: non ex putredine, aut lon-
ga concoctione salsam euadere: sed quòd
vnum è tribus principiis, sal nimirum, in
ea præpolleret. Addebat & illud, serió-
ne an per iocum nescio, attamen ineptiæ
impudentiæque suæ sat euidens argumẽ-
tum, lotium, inquam, ad saliendas, con-
diendâsque dapes, ipso etiam sale mari-
no esse longè suauius, præstâtius atque
salubrius. Sed nos sale nostro contenti il-
lius lotium, vt memoratu fœdum, odore
tetrum, gustu abominandũ, ita illi & a-
liis, si qui erũt Xenocratis æmuli, intus
forisq; pro arbitrio vtendum relinqua-
mus. Tempestiuũ enim est, vt ad alterũ
haud obscurum Paracelsi discipulũ trãs-
eamus. Hic Paracelsici dogmatis, & tã-
tæ inscitiae, vt egregium fautorem ac
patronum ageret: antebac inauditam,
ac meritò explodendam de arthritide
eiusque causis opinionem in vulgus edi-
dit.

dit. Siquidem dum in consiliis suis articularis morbi causas recenset, easque in externas, antecedentes, & coniunctas partitur: antecedentem causam in humoribus consistere audacter negat. Nam longè potius (inquit ille) Tartarus concretus in ipso ventriculo antecedentis causæ locum obtinet: cum propter ipsius frigiditatem immodicam, quæ causa est materialis: tum propter caliditatem hepatis vel renū nimiam, quæ efficiens est, à qua etiā ipsi calculi in renib⁹ generantur. Deinde subdit, Causa verò coniuncta humor est ille crassus & tartare⁹, ad ipsos articulos delat⁹, qui propter acrimoniā (sal enim est) tum propter tensionē quā committatur ligamentorū cōtinui solutio, maximos atque adeò terribiles parit dolores. Dein paulò post subiungit: Curatio huius affectus, consistit in trib⁹, videlicet in debita administratione sex rerū naturalium, in euacuatione causæ antecedē

„tis, & causa coniuncta amotione. Atqui
 „sola causa antecedens est sal & tarta-
 „rum, non autem humores: quod materia
 „concreta in articulis indicat. Ergo me-
 „dicamentis euacuantibus tartarum illud
 „iam factum, & ne generetur prohiben-
 „tibus vtendum suadeo. Quod fit soluen-
 „do in primam materiam tartarum illud,
 „nempe in aquam, & liquorem, vt faci-
 „lius per sudores, vel per vrinas expur-
 „gari protinus possit. Quæ enim purgāt
 „medicamenta, magis exalfaciunt &
 „exsiccant, atque adeo tenaciorem, & ad
 „curandum difficiliorem reddunt mor-
 „bum. Quod enim est tenue magis cua-
 „cuatur: quod autem crassum, nec euacua-
 „tione, nec talibus medicamentis vinci po-
 „test. Ergo vel solus spiritus vitrioli, pul-
 „sus per nouum alembicum modo chymi-
 „co, vel spiritus tartari, vel arcanum mu-
 „miæ, & multa alia ex Theophrasto do-
 „ctissimo medico desumpta medicamenta,
 „causant.

causam illam antecedentem, tartarum
 videlicet in pristinam possunt reducere
 materiam, viscera interim affecta, uti
 par est, corroborando, atque ita per vri-
 nas vel sudores euacuatur causa mor-
 bifica. Tandem verò, ut omnia persequa-
 mur, in ablatione causæ coniunctæ vlti-
 mus consistit curandi scopus, nempe in-
 topicis, quando vrget dolor, tutæque in-
 id medicamenta, oleum ex visco pomorū
 paratum per putrefactionem: oleæque
 è cera: & si morbus in tophos abiit, ex
 gummis, ut ammoniaco, serapino, & eius-
 modi aliis, primas tenet. Anodina enim,
 & paregorica medicamenta ex lacte, le-
 nientibus, & similibus parata, vix, aut
 nihil prodesse sæpe experti sumus. Non
 enim auferunt causam cōiunctam, quod
 illa alia proculdubio præstant. Hæc
 sunt absurda, adeoque stupiditatis ple-
 na totidē ferè verbis tradita de arthri-
 tide noua dogmata: quibus etiam con-

sentanea planè sunt, quæ de morbis aliis
 ab ipsis traduntur: siue ipsorum naturam
 & causas, siue etiam accidentia, ac deni-
 que curationem ipsam spectes. Nam &
 illi suis spiritib. tartareis, vitrioleisque,
 quosuis morbos, (& siqui sint præter
 eos) quantūvis insanabiles, ultro citro-
 que curaturos se polliceri non veretur.
 Sed quid inde præstant? sudorū chymico-
 rū medicamentorū corpora vehementer
 alterantium, usu miseros mortales impu-
 nè excarnificant, tandemque crudelissi-
 mè in intima lethi tartara præcipitant.
 Nam quid aliud est, quàm corporibus
 ardentes febres, paralytim, conuulsionē
 incurabilem, neruorum incontinentiam,
 torporem, hebetationem, & summam
 siccitatem simul & frigiditatem, ex-
 haustis spiritibus, & calore innato, nec
 non denique horridum marasimum inue-
 here? Eorum verò scripta & placita, etsi
 iam antea perquam crudite ac firmis ra-
 tio-

tionibus confutata sint, à quamplurimis
 artis medicæ ducibus, maxime à D. Tho
 ma Erasto, omnium calculis eruditissi
 mo, vix vt noua. demonstratione, aut a
 liis argumētis ipsa res egere videatur:
 nihilominus tamen cū omnium intersit
 prospicere, ne hæreses nouæ ac fœdæ
 eiusmodi opiniones, vniuersæ rei lite
 rariæ ac humano generi perniciosæ, te
 merè ab imperito vulgo recipiātur: hac
 mihi oblata scribendi occasione, quæ de
 arthritide, ac chymicorum medicamen
 torum vsu ab ipsis falsò traduntur, ex
 pendere, quidque de iis verè sentiendū
 sit, obiter indicare non dubitavi. Etsi ve
 rò, vt Arthritidem ita & affectus alios,
 quorum omnium naturā, causas, & ac
 cidentia planè ignorant, puta elephan
 tiasim, inueteratam epilepsiam, cācrum
 insanabilem, siccum & confirmatum hy
 dropem curaturos se non verentur vl
 trò citròque ac temerè polliceri. Ista ta

mē aliis discutienda relinquimus. Sat mi-
 hi fuerit impræsentiarū summā istiusmo-
 di hominū temeritatē impudentēque
 audaciā, in hoc morbi genere patefecis-
 se. Eam dū excusare volent, obtrudent,
 sat scio, à nobis sua nō intelligi: sed quā
 rectē, ū viderint, qui nō nisi firmis prin-
 cipiis, & demonstrationib. ac vera rerū
 omnium experientia nitūtur. Quare ne
 lōgior sim, vos ipsos imploro, vos inquā
 etiam atque etiam obtestor medicinæ pa-
 rentis alumni, ac veritatis amantes, vt
 cœptis meis fauere, mihique pro sacro-
 sancto Hippocratis iureiurando stare
 parato adesse dignemini. Et si verò ne-
 que magnum quid, neque fortē adeo v-
 tile præstitisse videbor: mihi tamen sa-
 tis factum crit, dummodo consilium
 nostrum sanis & oculatiori-
 bus vestris iudiciis com-
 probari sensero.



TOTIVS TRACTA-
tus Argumentum.



Um nulla virtus maior, quàm verborum perspicuitas, & rerū distributio orationi accidere possit: De Arthritide aduersus Paracelsistas dicturi, hunc ordinem sequi operæpretium duximus: Nempe vt primò ex nominis etymo, & ipsius rei definitione, quid sit de quo agitur demonstremus: & quas corporis partes occupet affectus.

Secundò causas huius morbi duplices explicemus, videlicet articulorum imbecillitatem, & humoris superflui excrementive copiam. Et harum vnā sine altera, morbum efficere non posse.

Tertiò varias ac multiplices esse causas, cum imbecillitatis articulorum, tum humoris superflui, atque eas distribui in *αποκατάρτινας* seu primitivas, & internas: quemadmodum omni seculorum diuturnitate, in omnibus morbis à sapientissimis medicis factum est. Has autem paulò prolixius atque fusius explicare visum est, propter Paracelsitarum istorum summam impudentiam, qui nescio quas male à se inventas morborum causas, ac absurda sua remedia nobis inuexerunt.

Quartò differentias Arthritidis, ac earum omnium cuiusque signa, atque symptomata assignemus, quibusque ex locis fiat humoris influxio.

Postremò tandem generalem, & particularem cuiusque Arthritidis

tídis præcautionem & curationē,
ex probatissimis authoribus de-
promptam præscribemus, reiectis
Paracelsistarum fucis & inanibus
commentis.

Interea excusabunt Lectores
beneuoli, quòd neglecta verborū
elegantia, & sermonis ornatu, ver-
bis vsitatis, & nemini non notis
acquieuius. Ornari enim res i-
psa negat, contenta doceri.





DE

ARTHRITIDE VE-
RA ASSERTIO, EIVS-

que curandæ me-
thodus,

AVTHORE

Tuffano Ducreto Cabilunense, Medico .

Arthritis quid.

CAP. I.



Arthritis, nomi-
ne ducto à parte
affecta, (vt ait
Gal.) articularis ^{2. Me-}
morbus Latinis ^{thod}
rectè dici potest.

Siquidē ἀρθρον, nihil aliud est, quàm
naturalis & genuina ossium con-
structio coniunctiōque ad mo-
tum comparata, scilicet ex alterius
ossis parte, alteri ossi cohærente: ^{12. De}
^{usu par.}

12. De

usu par.

12. De

dum caput, siue processus ossis v-
nius, in alterius cauitatem inferi-
tur. Quanquã etiã os ipsum quod
inferitur, ἄρθρον, quod verò cauũ, &
in se recipit, κοτύλη Hippoc. dicatur.

Qui eiusmodi articulos occupât
affectus, Arthritidis nomine desi-
gnantur: ita vt ἄρθριτις sit dolor & af-
fectus articularũ, ab aliqua humo-
ris fluxione in eum excitatus. Ha-
bet itaque hic affectus humoris re-
dundantiã, qui affectã occupat ar-
ticationẽ. Hac expleta, in omnẽ
partẽ ambientẽ dispergitur, atque
hinc neruose particulæ distendũ-
tur, ex quo dolor ille concitatur.

Cap. de
Arthritide
Author definitionũ medicina-
liũ, atque post eum Marcellus, Ar-
thritidẽ inflammationẽ permanẽ-
tem, graues dolores inferentem in
articulis, perperã definierũt: quòd
is tumor non magis neque frequẽ
tius

tius phlegmones, quã œdematis,
aut erysipelatis, vel scirrhi, pro hu-
moris scilicet natura & proprieta-
te ex quo fit, speciem præ se ferat,
vti postea dicetur.

In hoc porrò affectu tria summa
morborũ genera spectare licet, par-
tis intemperaturã, continuitatis solu-
tionẽ, & malã cõformationẽ. Quæ
simul Arthritidi adiũcta, varia ac
multiplicia symptomata afferre so-
lent. Nã etsi ex ipso nominis ety-
mo, articulũ, qui quidẽ ἀρθρὸν dici-
tur, Arthritidis sedẽ esse dicamus,
vt qui primũ & per se eo morbi
genere laboret: tamẽ nõ ipsum mo-
dò ossis, quod inseritur, caput nec
alterius ossis κοτύλη, verum etiã liga-
menta, mēbranæ, tendones, venę,
arterię, & quicquid ad articuli stru-
cturã ac firmitatẽ natura cõparatũ
est, afficitur: nõ quidẽ primariò (vt
neque

neque etiā nervos volūtariū motus
 authores, primario affectu fluxio
 infestat) sed secundariò, quoniam
 artuum priùs internodia obsidere
 eam necesse est.

Sed huiuscemodi partes omnes
 afficiuntur cōsortii lege, quòd cū
 articulis maximū habeāt consen-
 sum: his accedunt & symptomata,
 pro varia humoris & causarum ex
 quibus fit Arthritis, proprietate,
 qualitate, quātitate, loci affecti na-
 tura, fluxionis modo & tempore.
 Plerumque enim infestant conti-
 nui dolores, & acerbissimi crucia-
 tus, vigiliæ, anxietates, cibi fasti-
 dium, sitis, ructus, cruditates, vo-
 mitus, febres, & alia eiusmodi ma-
 lorum genera.

De causis Arthritidis in genere.

Cap. 2.

Hu-



Vius tā acerbi sæu-
que morbi duplices
causæ ab omnibus pe-
ritis cōstituuntur: vna
quidē influentis humoris nimia re-
dundantia. Altera ipsorū articulo-
rum imbecillitas, quarum neutra
seorsim Arthritidē facit: sed vtram-
que simul cōcurrere necessarium
est. Etenim quemlibet articulorū
difficilē motū vel dolorē, Arthri-
tidē, seu articulare morbū impræ-
sentiarū non nominamus: sed eam
duntaxat, quæ cum humorū afflu-
xu in articulos imbecillitate affe-
ctos ingruit, & inde ortum habet.
Contingit enim sæpenumero in
maximis ac vehementissimis sicci-
tatibus, vel immodica aliqua tum
aeris, tum corporis intemperie, ar-
ticulorum difficiles motus cum a-
cerbissimis simul doloribus fieri,

qui tamen Arthritidis nomine nō designantur, vt manifestum est ex Hippocrate: nisi impropriè Arthriticos appellemus eos, qui quomodolibet laborēt articulorū morbo atq̃ dolore, siue ob intemperie nūdā, siue ob acré aliquē humorem ibidem arefactū. Hos enim Arthriticos propriè non dici testatur Galenus, cōmēt. Apho. 16. sect. 3. Itēque 2. Epidimiorum, eos qui ex orobi aliorūque leguminum lōgo vsu genuum dolores cōtraxerāt, nō Arthriticos, sed Genua dolentes appellauit. Quapropter si propriè ac rectè definiamus, non omnis dolor articulorū, Arthritis nominabitur, sed istantū, qui cū alicuius humoris aut excrementi influxu concitatur. Siquidē quoties humor aliquis in aliquem articulum incumbit, seseque in eius spatia

*Aph. 16
sect. 3*

spatia, ligamenta, tendones, quoquo modo insinuat, protinus distendendo, diuellendo, ac denique continuo soluendo, eius articuli in quem defluit, morbum creat. Fateor equidem si quis affectus eiusmodi tanquam dolores consideret, symptomata forte esse (veluti & reliquos dolores) dicturum. At verò si humoris fluxionem spectet, ob quam articulus impletur, ac earum partium distentionem, quæ illi circumiacent, non abs re morbum siue inflammationem, siue alium quempiam tumorem nominabit. Sic quoque Hippocrates & Galenus appellare non dubitauerunt. De horum affectuum qualitate, origine, fluxionis modo & curatione postea dicendum: ubi prius tamen sigillatim articulorum imbecillitatis causas recensuerimus.

Apho.
49. sect.
6.

*De imbecillitate articulorum, & cau-
sis tum externis tum internis.*

Cap. 3.



IPla porrò articulorū imbecillitas duobus contingit modis : si quidem vel nobis cōgenita est, vel aliūde accidit, ab iisdem videlicet causis, quæ & humoris fluxionē efficere possunt, tum externis, tum etiā internis. Natiua duplex dicitur: vna quæ accidere solet iis, qui parentibus articulari morbo obnoxiiis nati sunt, licet eleganti forma & eximia structura cōpositi. Altera quæ virtutis formatricis culpa iis euenit, qui minus aptam & idoneā articulorum fabricā & compagem à natura sortiti sunt.

Primū itaque hic affect⁹, quasi hereditario iure, illis sæpissimè

accidit, qui patres & auos habuerunt Arthriticos, quemadmodum; & in multis aliis affectibus euenire perſæpe videmus. Nam feminis ea *ſemen* *mu* *mu* est natura, vt tale quid actu efficere poſſit, quale id à quo est excretum. Vnde genitale ſemen hominis abstractum eſſe, non temerè à Zenone dictum est, & tanquã animal potentiã, veluti ſulphur potentiã ignis est. Ergo cùm experientia duce conſtet, à nephriticis nephriticos, ab elephãticis elephãticos, epilepticis epilepticos vt plurimum gigni: cur nõ & à podagricis podagricos fieri dicemus? Maximè verò, cùm & ipſi filii parentũ referant in mēbris peculiarib. peculiareſ notas. Ferè etenim ſimo ſunt naſo, qui à ſimis parentibus orti ſunt: ſicut adunco qui ab aduncis. ſunt & qui faciẽ totã, digitos, manus, vo-

cem, habitū, incessūque parentū non obscurè referant. Imò visum est nonnunquam, quum parentes non solūm nēuos quosdā, sed etiā aduentitias quasdam notas haberēt, aliqua sui corporis parte, filios quoque eadem corporis parte easdem retulisse. Quod & ipse testa-

Lib. De generat. anim. capit. 17. tur Aristot. dum narrat, Chalcedone, cūm pater brachio esset compuncto, filium ex eo natum idem retulisse, quamuis confusa nota minūsq̃ue explanata. Quis igitur Arthritidem à vitæ primordiis oriri posse negabit? ac tanquā primitias paternæ vel maternæ hæreditatis esse inficias ibit? Sic authore Hippoc. à morboſis, non modò principibus, sed etiam aliis quibuscunque partibus, morboſum genitale semen: vt sanū à sanis iisdem provenit. Quod quidem virtute magis

gis & potestate, quàm mole ipsa nobis intelligendū venit. Et si verò genitale semen magnā vim habere ad Arthritidis generationē, aptitudinēque plurimū in filios, ac deinceps in posteros transferre, satis omnibus conspicuū est: neque id tamen semper, nec quibusvis contingit. Persæpe enim visi sunt Arthritici, quorū parentes nunquam tales fuerunt, nec eodē affecti sunt morbo, aut laborarunt unquam: contrā verò, non defuerunt ab omni articulorum morbo immunes, quorū tamen progenitores valde vehementerque eodē laborarunt. Quamobrem, & alia causa innata, non ex seminis vitio, sed virtutis formatricis culpa constitui potest, qua permulti in articulare morbum facilē incidunt, observata etiam congrua victus

legat: ut quibus articulorum fabrica & compages laxior & amplior: aut minor strictiorve ab ortu ipso contigit. Quo fit ut aduētitiū humor in partem naturā imbecillem facilius prōptiusque admittatur.

Porro cum ossa inter se coniungi duplici genere, nimirū κατ' ἀρθρον vel κατὰ σύμφυσις, Medicis omnibus notum sit: ac in symphyfi quidem ossa inter se inuicē & mutuò, sine alterius materiæ interuentu, coalescere cōstet (ut in ossibus cranii & similib. videre est) ea certē Arthritidis sedes esse minimē potest: uti neque συνάρθρωσις, altera τὴν ἀρθρον species, in qua nec validē nec manifestò, sed obscurē ac perdifficilē ossa mouentur, Arthritidem in se admittit, nisi rarò, vel cum tophis, & œdematosis tumoribus, ut in articulationibus carpi, & metacarpiū.
item-

itémque ipsius pedii. Sed maxime
 ad *διαρρηκτικόν*, alteram illá *τὴν ἀρρηκτικὴν* pe-
 ciem, articularé morbū referimus:
 quam quidē ossiū cōpositionē ad
 motum voluntarium comparatā,
 laxiorem fuisse oportuit, vt faci-
 lem, magnū, & euidentem mo-
 tum pręstaret, vti videre est in cru-
 rum, brachiorū, manuū, pedūm-
 que articulis, quibus si quid mate-
 rię intercipiatur, ac potissimū
 mēbranis, tendonibus, ac ligamen-
 tis, ex quibus firmantur ipsi articu-
 li, quibūque tanquā ortis à perio-
 stio, exactus sensus inest, dolores
 plerumque vehementissimi exci-
 tātur. Id potissimū euenire solet
 vbi aliquid vitii in huiusmodi os-
 siū syntaxi & cōpositione à natu-
 ra contingit. Efficitur enim vt ali-
 quando naturę motus soluatur, &
 ipsa tanquā sui oblita in tanto ope

re construēdo, ossa singula in suis
 secibus & locis ritè non apponat,
 quòd ampliora nimis ob materiæ
 excessum, aut minora strictiorá-
 ve vel acutióra ob eiusdem de-
 fectum effecerit. Vnde ipsa diar-
 throsis infirma, debilis, vel imper-
 fecta existit. Quemadmodum co-
 lumnarum bases & ἐπισύλλα ad cer-
 tam magnitudinem & certam a-
 nalogiam reduci debent, ad totius
 ædificii securam firmitatē: ita fal-
 lax & periculosa morbisque obno-
 xia est diarthrosis, ubi nimis acu-
 ta & stricta, aut magna nimis &
 ampla sunt ossium capita, eorúm-
 que acetábula: nec proinde con-
 ueniēti analogia seu proportione
 respondent. Híc enim ob magni-
 tudinem os ossi non probè inferi-
 tur: illic verò veluti summo acumi-
 ne sese cōtingunt, extremisque la-
 biis

biis quasi deosculantur. Interdum
 etiam accidit, ut ipsis vinculis & li-
 gamentis relaxatis, intentis aut na-
 turâ breuioribus, inter se ossa non
 appositè coniungantur & firmen-
 tur. Quibus ex causis partes eiusce-
 modi naturâ infirmæ ac debiles,
 humores superfluos & excremen-
 titios suscipiunt, ac in sese admit-
 tunt. Iure igitur dicimus, Arthriti-
 dē causas habere congenitas, eas-
 que geminas atque potentissimas:
 quarum vna à parentibus atque
avis in filios & nepotes deriuatur,
 ut perbellè declarat Galenus. Alte-
 ra vitio constructionis partiū aut
magnitudinis & paruitatis earun-
 dē ascribitur. Hæ verò causæ quā-
 to maiorem vim habent ad articu-
 laris morbi generationem, tanto
 eius præcautio & sublatio diffici-
 lior est, & peruiacior.

Lib. 6.

Apho.

cōment.

28.

De causis externis seu primitiuis,
 quas Græci προκαταρκτικὰς appel-
 lant, articulorum imbecillitatis
 effectricibus.

Superest ut ad alteram transeamus causam, quam aliunde accidere, & in rebus externis positam esse meritò diximus. Etenim vel ex vitio errorèque antea actæ vitæ, & intemperantia proficiscitur, contrahiturque, vel ex frequenti motu, immoderatis laboribus, frigore vehementiore, immodica venere, ebrietate, crapula, numio balnearum, ac denique intempestiuo rerum omnium impensè calidarum usu, ut quæ naturalem compagem artuum relaxent, emolliant, & enervent. Ac licet nomine victus antecedentis hæc omnia de priscorum sententia comprehendi possint, singula tamē immodicè vel inordinata

dinatè adhibita, plurimùm ad Ar-
 thritidis generationē valere dicū-
 tur: quēadmodū & ea omnia, sine
 quibus vitam ducere minimè pos-
 sumus: quæque à medicis res non
 naturales nominantur. Nam & i-
 pse aer ambiens, si impensè à me-
 dia constitutione & temperatura
 recesserit, non parum toti naturæ
 incommodat, vt & omnis intem-
 peries, docente Galen. Calidus e-
 nim corpora calefaciens, humores *Metho.
med.lib.*
 dissoluendo, liquando & diuellen-
 do, vires in omnibus mēbris dei-
 cit, ac proinde ipsos articulos, dissi-
 pato eorū calore innato, ac tandē
 resolutō, suscipiendis defluxio-
 nibus aptiores reddit. Quòd si ae-
 ris caliditati sicca etiam intempe-
 ries accesserit, omnē corporis habi-
 tū immodicè siccādo, alimoniā-
 q; impediēdo, articulis noxā haud

leuem infert. Hinc ipsi imbecilliores facti, facile humores admittunt, præsertim verò biliosos, & si qui alii fluxioni sint apti. Sic ex aduerso, aeris nimia frigiditas calorem natium in singulis partibus sæpe extinguens, vel saltem obtundens, artus infirmit, & cogendo arctandoque ipsos etiã humores detrudit, instar spongiæ aqua madentis, & manibus compressæ: vnde quibusdam non rarò contingit articularem morbum fieri refrigeratis partibus, siue flante Borea, siue etiam per tempora & loca niuosa & algida iter fiat. Ad eundem modum ubi impensè humidus est aer, corpus vniuersum humectando, cutem, nervos, membranas, tendones, & partes reliquas molliendo, articulos laxat, & excrementis suscipiendis obnoxios reddit: adeoque morbos

bos à fluxione procreat. Tandem
 verò delatis in articulos humori-
 bus multis, dolores & cruciatus ex-
 citari consueuerunt. Sed hæc non
 omnibus ex æquo, sed pro alio at-
 que alio hominum temperamen-
 to eueniunt: quod ipsum de aliis
 omnibus causis dici potest, vti re-
 ctè monuit Hippocrat. Immodi-
 cus quoque labor, præsertimque
 insolens, & à cibo potissimùm, &
 corporis motus omnis vehemen-
 tior, ipsis articulis officere solet: eo
 nomine complector cursum vehe-
mentem, saltum, equitationem, &
concitatam quoque ambulationē.
 Ea & si quæ sunt alia exercitationū
 genera, licet non parui sint momē-
 ti ad bonam valetudinem tuendā,
 si quis iis opportunè ac tēpestiuè
 vtatur, vti monet Galenus: ita per-
 niciem afferūt, si à cibo aut corpo-

Lib. De
 aere, lo-
 cis & a-
 quis.

2. De sa-
 nit. iuen.

re excrementis referto, vel pridiano cibo nondum probè confecto, aut denique alui & vesicæ excrementis nondum eductis suscipiantur. A vetriculo siquidem crudus incoctusque cibus in omne corpus deducitur, atque distribuitur, & magna succorum in vasis nō rectè elaboratorum copia, excrementorumque prouectus, quæ per vias conuenientes excerni debuerant, in habitum corporis motus impetu rapiuntur. quæ docta est Ga-

*Lib. De
boni &
mali suc-
ci alimen-
tis.*

leni sententia. Hinc verò magnā excrementorum copiā, motionis impetu impulsam, meatus corporis obstruere, solidas partes excrementis onerare, noxam inferre, cōuulsas aut ruptas immodicè distēdere, & articulos etiam implere, ac diuellere necessum est: quòd las-
fitudo vim liquandi habeat, Ari-

sto

stoteli libro De somno. Ob id re-
 ctè, vt pleraque alia, ab Hippocra- *Apho 51*
 te dictum est: Plurimum atque re- *sect. 2.*
 pète mouere corpus, periculosum:
 quoniam omne nimium nature i-
 nimicum: quod verò paulatim fit,
 tutū. Rursum alibi, Repētina quæ *Libr. 2.*
 uis mutatio, si modum exceſſerit, *rat. viēt.*
 noxā infert. Neque verò huic sen- *acut.*
 tentiæ reſclamat quod à Gale. pro- *6. Aph.*
 ponitur, Quòd exercitatio poda- *conr. 28.*
 gram fieri prohibeat: eò quòd hęc
 tria potiffimū cōmōda adfert,
 membrorum ex attritu duritiem
 ac firmitatem, caloris augmentū,
 & ſpiritus citatiorem motum: quo
 efficitur, vt nutritio & reliquæ na-
 turæ functiōes foelicius obeātur, *2. De ſa*
 vt idem teſtatur. Illud enim ita *nit. tuen.*
 intelligendum eſt, ſi in tempore,
 ordine, modo & meſura adhi-
 beantur.

Tempus quippe exercitationi idoneum matutinum esse constat, ac ante cibum: tum enim valetudini prodest, & maximum adfert comodum: crassos succos concòquit, atque attenuat, & naturæ familiares efficit.


Non minus ordo obseruandus est, nèpe vt non nisi expulsis priùs alui & vesicæ excrementis (vt antea dictum est) suscipiatur: nequid eorum in habitum corporis rapiatur caloris vi, qui per exercitationem accenditur, vt loco antè citato ex ipsius Gal. sententia demonstratum est. Hinc inde impurgato, vehementius laboranti, & à cibo, vlcera accidere, caput vaporibus impleri, viscera obstrui, pondus & distentionis sensum articulis inuehi, certissimum est.


Modum verò & iustam exerci
tatio

tationis mensuram, et si impossibile sit definire, & quousque huic vel illi intendenda aut remittenda sint exercitia: ea tamen si fuerint immoderata & intempestiva, hoc morbo correptis perniciosissima meritò dici possunt: ut quæ corpus fatigent, minimúmque extenuent, ac denique languorem pariant.

Sed nec omnes exercitandi sunt, præsertim exercitationibus immodicis, quod Hippocrates rectè annotavit: dum calidas naturas quiescere iubet. Et certè quibus imbecilles sunt admodum partes, vehementes exercitationes minimè prosunt: quum potius noceant. Itémque omnia quæ caput replent, eos potissimum lædunt, qui vertigine, ophthalmia, aurium dolore tentantur: aut quibus fluxio in columellam, gingivas, dentes, & reliquas circa col-

lum & caput partes incumbit.

 Quare senibus & articulari morbo obnoxiiis incōmodare dicimus exercitationes validas & immodicas: ait potius cum Galeno concedi mustardas, molles, & quæ corpus & animum pro sua vtriusque virtute iuuare possunt: cuiusmodi est frictio cum oleo manè administrata, & post hanc ambulatio gestatioque citra lassitudinem.

 Quies & otium (quæ exercitatiōni contraria sunt) pariter ipsis articulis officere, si immodica fuerint, non minus quàm reliquis corporis partibus, & eos imbecilliores ex accidenti reddere dicuntur: quòd corpus frigidius reddant, excrementa dissolui prohibeant, genuinum calorem in omnibus membris præfocent, atque minuant: & vt in foelicius in membris coctiones nutritioneque

que procedant, efficiunt: torpidos denique, & ad omnem motum ineptos artus reddunt. Quamobrem modica si fuerint, prodesse dicuntur: immodica pari ratione articulis imbecillitatem inuehant: quod quotidiana comprobatur experientia.

Verum otii & quietis nomine somnum comprehendimus, quem admodum exercitationis appellatione vigilas, quod necessitate quadam, & vicissitudine sint inter se componenda somnus & vigilia, veluti labor & quies. Quia lassitudinis, & virium dissolutioni ex labore, & corporis immodica motione salutare remedium ex somno quaeritur, ut & ex quiete. Nam etsi ipsa naturalis facultas multo validius per somnum suo munere fungatur: animal tamen quiescit, & ab actionibus suis omnino libera est: atque a-

deò impediti sensus per somnum,
minus in proprias motioues obeun
das ferri possunt:qua vacatione, &

Lib. De somno & vig. spirituum sedatione nulla quies ma
ior ac suauior esse potest. Aristotel.
Lib. j. de & Galen.

sympt. causis. Vt igitur in naturæ operibus ob
Gal. cõment. 2. eundis non postremæ partes som
Aphor. sect. 2. no tēpestiuo sunt tribuendæ: sic ex
Libr. 3. prasa. nimio & intēpestiuo multa emer
gunt incommoda. Quid mirum igitur,
si permulti hoc morbi genere
corripiantur, qui immodico sese
somno sagināt, & in longo otio ver
santur, nec se vllis negotiis exercēt:
sed ita mollem otiosāmque vitā de
gunt, ac somnolentā, vt ipsum Epi
menidē aut Endymionē longiore
somno superare videantur? quū
moderatis exercitiis, & laboribus
prohiberi podagram, superius de
Gal. sententia dixerimus.

*De somno Epi
menidis
Plin. li. 7. tr. ap.
52.*

Sed etiã quæ sequuntur, Arthritidis generationẽ efficere, aut prohibere possunt: Nẽpe balnea, & rerũ calidarũ nimius ac frequentior vsus. Balneorũ enim cùm variæ multiplicẽsque sint differentiæ, nõ omnibus ea ex æquo conueniunt, neque pari modo adhibenda, sed magna cum cautione permittenda Arthriticis doloribus obnoxiiis, quòd pro natura causæ morbũ efficientis, atque morbi tempore alia aliis conueniant. Quæ enim adstringunt siue suaptæ natura talia sint, siue institutione nostra vim suã obtineãt: nunquam nisi ante fluxionẽ, & in fluxionis principio tentanda, vt partem roborent, & fluxionis impetũ cõpescant. Alioqui fluxione iam facta, humoris transpirationẽ per cutim prohiberent, & vehementiori dolore articulos molestarent. Con-

trà verò mediocriter calida, & quæ
nulla qualitate eximia sunt prædi-
ta, qualia sunt dulcia & temperata,
quia humectant, & per se medio-
criter calfaciunt, ac poros referan-
do discutiunt, non nisi tēpore do-
loris adhiberi debēt: nec calfacien-
do vasa dilatando, humores & ex-
crementa attenuando, ac genuinū
calorem in articulis resoluendo,
fluxionem adaugeant. Talia nem-
pe quia multū bilis educunt, & sua
qualitate plurimū iuuāt, si bilio-
se Arthritidi, & exiccatis articulis,
maléque nutritis, sedata fluxio-
ne, & vacuo ventriculo, adhibean-
tur, non penitūs damnanda cense-
mus. Quoniā quæ in articulis con-
tinentur cruda colliquant, & Ar-
thriticos dolores plurimū sedāt,
membris robur addunt, & alimen-
tum ad illa pertrahunt. Ob id eius-
modi balnea calida γερόντεια λυτρά,

*Gal. pri-
mo ad
Glauco.*

id est, senilia Plato vocat: & ea senibus adhibenda iubet: quum reliqui omnes olim frigida lauaretur, calida balnea solis senibus, aut valetudinariis exhiberetur. Vnde tradunt Nymphas Herculi post multa certamina, & exhaustis multis laboribus fatigato, calida balnea subministrasse. Et certe constat hominum corpora magnopere reuocari calidis balneis, si congruus & moderatus fuerit eorum vsus. Si vero crebrius quis vtatur, hæc adferre incommoda solent quæ Hippoc. ita perstringit: Calidum frequentiore vsu inuehit carnis effœminationem, neruorum incontinentiam, animi torporem, & quæ sequuntur. Quod & Galeno comprobatur: Calida, inquit, temperata, grata sunt & amica: funditur enim, quod in corporibus

*Aphor.
16. sect. 5*

*Libr. 4.
simpl.
medic.
cap. 1.*

nostris concretū fuerat: quo maxi-
mè pathemate voluptas animanti
bus conciliatur. At mora longiore
sensim quoque & ipsa molesta e-
uadunt: in tantā enim fusionis im-
moderationē corpora deducunt,
vt eorum substantiam discutiant,
dissoluant, ac dispergāt. Verū tū
quidem sine mordicatione infe-
stant, ac animi deliquiū adferunt,
virēsque ita deiciunt, vt mors tan-
dem ipsa consequatur. Quamob-
rem cautè hæc administranda pro
natura causæ morbum facientis,
& morbi ipsius tempore: quem-
admodum & alia quæ qualitatem
obtinēt quāpiā eximiam, eā-
que natiuam, qualia sunt quæ salsa
cōstant aqua, aut nitrosa sunt, aut
sulphurea, quibus hoc tempore v-
tuntur permulti, tanquā summo
& vltimo remedio ad calculos re-
num,

num, paralyſim, ſpaſmũ & ad omnes neruorum affectus frigidos. Ideoque & veteribus & Ariſtoteli *Proble. ultim. ſect.* non ignota, olim ſacra dicebatur: vel quòd numine ſacro donata mortalibus plurimũ profint, vel quòd ſulphure & fulmine rebus ſacris conſtent. Quamuis enim bilẽ educant, reſoluunt tamen, calfaciunt & ſiccant: vnde in ipſa Arthritide bilioſa, qualitate magis lædunt quàm euacuationibus iuuent. Adde quod nimis calefaciendo ventriculũ, hepar & reliqua viſcera, cauſam Arthritidis bilioſæ adaugent ac fouent. Rurſum verò tametſi cõmoda ſint humidis & frigidis præter naturã corporibus, & pleriſque morbis diuturnis, vt articulari morbo, podagræ, reſolutionibus, aſthmati, fracturis callo obducendis, vlceribus fluidis, in-

inflammationibus induratis, & veteribus hydropibus, & id genus aliis tumoribus, impetigini, scabiei, articularum fluxionibus, & coxendico morbo. Non tamē omnia ex æquo cuilibet Arthritidi frigida cōueniunt, nec omnibus, nec semper, sed nec eodem modo, nec omni tempore adhiberi debent: etiā si postulet vsus, quōd diuersa sit eorum qualitas, vis & actio. Quædam enim præterquam quōd calfaciunt, etiam exiccant, & astringunt, vt quæ alumine constant. ac ea quidem in principio fluxionis Arthritidem facientis ex humore pituitoso frigido & tenui prodesse plurimūm possunt. At verō Arthritidi inueteratæ, & in scirrhum contractæ plurimūm obesse constat, & Gal. quoque testimonio cōprobatur: cum erisypelata & inflā

2. artis
 curatiua
 ad glan.


matio-

mationes immodico astringentiũ
 & infrigidantiũ vſu in ſcirrhuũ con-
 trahi docet: multò igitur magis of-
 ficient vbi ſcirrhoſa pars extiterit,
 quẽadmodũ in nodosa podagra.
 Cõtrà ſulphurea neruos emolliũt,
 fluxionibus articulorũ & duritie
 non parum conferunt, vti & bitu-
 minosa, quæ fluxione facta ad par-
 tes emolliendas, ac materiam diſ-
 ſoluendã adhiberi poſſunt, modò
 caput & ſenſuum instrumenta nõ
 oblædant. Sic & aliorum balneo-
 rũ vſus, pari proportionẽ utilis, vel
 noxius eſſe poteſt Arthritide labo-
 rantibus. Vnde mirũ eſſe non de-
 bet ſi quæ aliquãdo iuuât, aliàs me-
 dentiũ imperitia lædant. Quod re-
 ctè admonet vulgaris verſiculus:
*Balnea, vina, venus, corrumpunt cor-
 pora noſtra.*

Sed vitã faciunt balnea, vina, venus.

DE QVIBVS duobus po-
stremis etiam agere tempestiuum
est. Enimuero si quid aliud, ipsa sa-
nè cibi & potus incauta ratio, Ar-
thritidis gignendę, vel confirman-
dę vim habere perhibetur, scilicet
dum neque modus, neque tēpus
vllum, neque mensura aliqua ob-
seruatur in esculentis, poculentis-
que assumendis. Istiusmodi enim
errata non solū in laborantibus
grauiores morbos efficiunt, sed e-
tiā sanis ægrotandi occasiones ad-

Lib. De ferunt, teste Gal. Neque quidquā
Nat. hu egro nocet vehementiūs, vt tradit
ma. com
ment. 2. Celsus, quā cū in eo quod as-

sumitur vel tēpore, vel modo, vel
genere peccatur. Contrā nihil ma-
gis ægrōtanti, vel sano confert,

Libr. 1. quā opportunè & congruè epu-
De ra lari : vt sæpius nos admonet Hip-
tione vi pocra. dum cautam victus rationē
Etus acu
10.

tan-

tantopere nobis commendat: ut
 quam ad sanitatē egris consequen-
 dā plurimū valere, & omnibus
 sese exercentibus ad bonum habi-
 tum comparandum præstare plu-
 rimū non semel asserat. Quod si
 vnquam aliās hęc obseruāda sunt,
 in hoc potissimū affectu sunt no-
 bis considerata, utpote qui om-
 ni ex parte à prauis humoribus &
 excrementis causam habeat mate-
 rialem.

Neque verò in toto penè mor-
 talium genere aliquos reperire li-
 cet, qui tā citò & manifestè lædan-
 tur prauis alimentis, quàm quicun-
 que hoc affectu laborant. Neque
 rursus qui ægrius difficiliusque
 subiiciantur (quod pace multorū
 dictū sit) optimis cibandī legibus:
 & plerique tamē, si (vti par est) pa-
 rere vellent, non tam diris nec tā

multis cruciatibus conficerentur. Sed quæ nobis potentissimi ac beneficentissimi Dei tam larga manu donata sunt, quibúsque veluti corruentis ac contabescentis substantiæ nostræ corporeæ, moles, vitæque hæc nostra naturæ vitio fragilis & caduca instaurari, & longius produci voluit, ea in perniciem ac totius naturæ nostræ ruinam miseri conuertimus: dum ob nimias comestationes ac perpotationes ventrem saburrando nimia plenitudine, ac interdum etiam humorum corruptela in graueis morbos incidimus: apoplexiam, spasmus, lethargum, hydropē, viscerū obstructionem ac podagrā. Et meritò de his grauitè conque rebatur Paulus & Auicenna, suo tē pore longè alium fuisse viuendi modum ab eo quo priscis temporibus

Cap. De
cibatio-
ne.

ribus Hippocratis & Gal. homines utebantur: adeoque quamplurimos antè inauditos morbos inualluisse, ex confusis humoribus; nimirum pituita & bile contractos. uti tum febres aliàs nothas, tum etiam spurias tertianas, necnon Arthritides ex bile & pituita: qui quidem morbi rarissimè Hippocrat. tempore vigerent: nempe ob sobriam & congruam viuendi rationem temporibus illis integrè obseruatâ.

Desinant igitur mirari homines, cùm videant plerosque otio, ebrietati, crapulæ, ac omni intemperantiæ generi deditos, iam multos podagricos conspici: desinant, inquam, mirari, ut plerisque alios morbos, ita & Arthritidem curari iam vix posse. Siquidem quotquot ferè (paucos excipio) huic affectui sunt obnoxii,

mille ac mille cruciatib. ex crucia-
ri, ac millies etiam quotidie mori,
si fieri posset, malint, quàm vel mi-
nima voluptatum suarum parte

Lib. De vnico momento carere. Idipsum

legib. 6. cùm Plato satis animaduerneret, il-
lique sat notum esset ex peruersa
viuendi ratione, & voluptatum
blandimētis homines in graues ac
mortiferos dolores sapissimè inci-
dere, eiusmodi voluptates minùs
esse necessarias, nihilque adferre
boni posse, imò plerumque nocere,
rectè admonuit. Quinetiam ad
cibum capeffendum ne accedere-
mus hortatus est, nisi duabus potis-
simùm de causis: quoniam videli-
cet absque cibo & potu vita hæc
cōsistere, ac ne produci quidē pos-
sit: & quia etiā illa sua vtilitate non
vacant. Aliorū verò condimento-
rum, & gulæ irritamentorū vsum
omnino

omnino damnat, nisi quatenus ad bonam corporis habitudinem aliquid conferre possunt.

At verò ipsius ebrietatis (qua quidem frequentius nihil) incommoda, quid attinet cōmemorare? cū nemo nesciat ebrietate mentem in furorem mutari, & in impetum mali, obliuionēque boni tādē pēduci: quemadmodum Vlyssis focios in belluas transformatos aiunt: & Cleomenem Spartarum regem cum Scythis agentē consuetudinem, & illorum ἀνεγοπτοσίαν καὶ ζωρότερον πίνειν imitātem, in leonem vēsum fuisse fabulantur, *Plutar-*
ac tādē senem tremulum, & plāchus.
nē podagricum extitisse.

Sed præter hæc animi pathemata alia ingentia monstra parit, quibus miserè corpus humanum infestatur: dū & naturæ vires gra-
E.

uat, & stomachum inflat, ac violēter distendit, rugitum & torsiones ventris generat, malos humores auget, eisdē putridos efficit, nauseam & vomitum prouocat, natiuum calorem extinguit (vt in lampade ex olei nimia perfusione videre est) neruorum cōtractionem atque tremorem parit, articulorum dolores, vlcera, scabiem, apostemata, eructationes, putidum anhelitum inducit, senium & mortē accelerat, ac denique malorū omnium colluuiem attrahit.

Eadem propè omnia fieri etiam plerunque solent ex immodica cibi ingurgitatione, & ferculorū varietate multiplici. Namque cū noua cibi & potus assumptio, inelaborato priori cibo addita, à nativo calore superari non potest, ventriculum prauis impleri humoribus

bus necesse est, cruditates in visceribus cōgeri, obstructions, putredines, ac varias febres suboriri. Quorum omnium soboles Arthritidis meritò ab optimis quibusquē authoribus censetur. Nam cū ipse calor non sufficiat conficiēdis alimentis immodicè assumptis, aliquid eorum, quantum in se est, resoluit, & disgregat. Illud autem quod resolvitur ex deprauata coctione alimentorum, in fuinos tandem conuersum, cerebrum petit, meningas distendit, easque cū cerebro simul grauiter afficit. Hinc dolor capitis, membrorū tremor, neruorum mollities & languor, catarrhi: quæ quidem omnia ipsam Arthritidem præcedere, aut certè comitari perpetuò cernere licet.

Præterea obsoniorum varietas multiplēxque apparatus in vna

eademque mensa, eadem præstare, & articulorum firmitati plurimum officere possunt. Quia dum alter cibus concoquitur, aut concoctus est, alter verò alterius naturæ ac speciei difficiliorisque cōcoctionis, vix ac ne vix quidē conficitur, sed deprauatur, stomachū grauat, lædit ac corrumpit. Vnde concoctiones in visceribus primò, deinde in toto corporis habitu non possunt nō esse malæ: quoniam caloris natiui vis & potestas retunditur, & infirma redditur nimia humorum præter naturam & excrementorum mole: ac inde articuli suscipiendis defluxionibus apti premūtur, singulæ partes proprio alimento priuantur, & nescio quotumore afficiuntur, & vnà contabescunt.

Atque id multò faciliùs contingit.

git, si vini potentis ac generosi copia adiungatur: quod quanquam potentia calidū existat, excrementa tanquam vehiculum perducit in viscera & venas. Ac proinde ebullitione facta, suis vaporibus fumosis cerebrū impetit, & implet, tentat, vellicat, ac nervos distēdit, frigidósque affectus ex accidenti parit: paraly sim, stuporem, apoplexiam, nervorum incontinentiam, convulsionem, vertiginem, cæcitatem, Arthritidem, malū denique corporis habitum. Itaque in summa dictum sit, vbi nulla est in bibēdo moderatio ac tēperantia, certissimam Arthritico imminere perniciem.

*Gal. 3.
De Tēp.
& 3. De
Simpl.
medic.
facult.*

Quū igitur alimonix ratio, & alimentorum assumendorū qualitas, quantitas, tempus & ordo non parui sint momenti, & ad præcau-

E. iii.

70
tionem & ad curationem tãti mali. In primis cibandi legibus is operam dabit, qui huius affectus immunis esse volet.

Inter alia autem quantum possit ad Arthritidis generationem immodica venus ita perspicuum est, vt probatione non egeat. Siquidem ipsa quotidiana experientia, non sine maximo multorum incommodo ac malo, fidem facit. Hanc idcirco prioribus causis annectimus: cùm sine Cerere & Bacco (vt est apud Comicũ) frigeat venus: & vinũ τῆς ἀσθροδότης γάλα rectè dixerit Aristoph. id est, veneris lac: & Arthritis sit filia vtriusque: quòd mero epoto venus vegetior reddita turgeat, ac potentiùs vrgeat: & ea nihilominus adeò incommodare & noxam inferre corporibus nostris, & potissimùm cerebro,

rebro , nervis & articulis assolet,
 vt Hippocrates meritò dixerit,
 τὴν συνουσίαν εἶναι μικρὰν ἐπιληψίαν, id est,
 coitum morbum esse paruum co-
 mitialem , quòd concitator ve-
 nus, totius corporis connexionem
 & compagem concutiat, & velu-
 ti breuem conuulsionem , qualis
 cernitur in epilepsia, ad aliquod
 temporis interuallum pariat, hu-
 moris dissoluat , nervos disten-
 dat, & disrumpat, articulos omnes
 commoueat , & diuellat : vnde
 imbecilliores ipsi redditi, humo-
 res turgentes in se facillimè ad-
 mittunt. Qua de causa neque eu-
 nuchos, neque foeminas, neque
 pueros laborare podagrà ante v-
 lum venereorum dixit Hippocra-
 tes, quòd suis temporibus (vt su-
 prà iam dictum est) homines fru-
 galiùs viuerent. At nunc si se-

Aphor.
 28.29.
 & 30.
 sect. 6.

cus eueniat, intemperantiæ & ho-
minum deprauatæ vitæ tribuen-
dum potius, quàm vt falsitatis con-
uincatur Hippocrates. Atque hac
 occasione Seneca inuehitur in eos
 qui per luxum Hippocratem men-
 dacem fecerunt. Sin mulieri alio-
 qui temperanti podagra contin-
 gat, arguit mēstrua defecisse, aut
pauciora esse, quàm prohibendis
morbis conueniant. Menstruis lar-
 gius fluentibus morbi eueniunt,
 non fluentibus autē ex vtero mor-
 bi contingunt Hippocrati. Quod
 ad pueros attinet, vbi pubertatem
 attigerint, & iam adolescere ince-
 perint, naturalis est motus semi-
 nis, vnde rarefcit corpus, & relaxa-
 tur. Iam venere accedente, concuf-
 fio, motus, concalfactio articulo-
 rum, & laxitas: ex quibus eò cele-
 riùs materia decumbit. Atque in-
 de

Apho. 5.

Sect. 5.

de adeò fit vt podagrici magna
ex parte ad venerem sint procli-
ues: vel quia flatibus, quibus sæpe
abundant, intendantur nervi ac ri-
geant: vel quia ex otio, quod est li-
bidinis parēs, rebus venereis sint
assueti: vel quia ex crebro decubi-
tu in dorsum, humores ad genita-
lia deferantur. Itaque his frequen-
tius accidere visa est podagra, qui
lautā quietāque & luxuriosam
vitam agunt, quā his qui frugali-
ter viuunt, & à venere quoad eius
fieri potest, abstinēt. Si quis enim
in rebus venereis modum vel tan-
tillum excefferit, subitò profectò
viribus exhauritur, stomachum
suum labefactari, præcordia, cere-
brumque infestari sentiet: humo-
rum cruditates, ac virium corpo-
ris functionumque omnium infir-
mitatem sibi conciliabit, senectū-

Immodice in rebus venereis

tem accelerabit, caniciem, neruorum incontinentiam, podagras, Arthritidas, ac membrorum omnium tremores accerfet: quòd nimia natiui caloris, & spiritus dissolutione, vniuersum corpus plurimum refrigeretur, infirmum languidumque reddatur, tantumque, vt semel dicam, obest venus immodica, vt dicere non dubita-

*Lib. De
animal.*

rit Auicennas, Si quid seminis, supra quàm natura ferat, coitu profluat, obesse magis, quàm si quadragies tantundè sanguinis emanarit. Proinde Aristoteles rectè concludit, animalia multum & fre-

*Lib. De
nat. animal.*

P'in. lib.

8. De

nat. hist.

cap. 6.

quentius coeuntia, breuioris esse vitæ: vt passeris vix biennium uiuant, ob salacitatem. & Democritus venerè damnat, in qua hominis limites exilit.

Istis

Istis itaque voluptatibus duabus coeundi atque comedendi, quæ sunt homini cum sue, equo, asino, & cæteris animalibus communes, ne abutamur: quemadmodum facere solent ii, quos ἀκολάστους καὶ ἀκρατεῖς grauißimi vitii vocabulis Græci appellarunt. Nos, inquã, viuere non cupiamus, vt istis abutamur: sed nobis edendum bibendúmque sciamus, vt incolumes miseram hanc vitam traducamus, ac interim genus humanum propagare possimus.

At verò antedictarum causarum genus, corpus nostrum alterantiũ, non esse penitus damnandum, omnibus in confesso est: quòd sine iis ne animans quidem vllum viuere posset. Sed tamẽ congruus modus, quantitáßque præscribenda: sin mi

78
nus, lædere magis quàm iuuare ne-
mo negabit.

Porro animi Pathemata & affe-
ctus qui nobis cum brutis animan-
tibus quoque communes sunt, mo-
dis omnibus cōpescēdi sunt. Quòd
eiusmodi perturbationes (vt rectè
5. De Gal. definiisse videtur) sint auersæ à
Hippoc. recta ratione animi commotiones.
& Pla-
10. de mor- vimque necessariam habeant alterā
tis. di corporis nostri, quibus quidem
omnes ferè obnoxii sumus, quāuis
alii plus, alii minus: id si omnino fie-
ri nequit, at illis certè ne nimiūm
affluescamus, vt iræ, furori, excande-
scentiæ, inuidiæ, vindictæ, timori,
maleuolentiæ, sollicitudini, mœro-
ri, ac lamentationi, neque his minus
gaudio immodico, lætitiæ, cupidita-
ti. Sunt ex his, fateor, animi affecti-
bus qui suum etiam vsum aliquan-
do habent si modus adhibeatur, vti
ira,

ira, ad calorem excitandum in cor- *ira*
 de sopitum, & ad crudorum humo-
 rum ac pituitæ coctiones iuuandas:
 sic & tristitia & metus, sudoribus *Tristitia*
 compescendis, fluxui sanguinis, aliis *et me-
tus.*
 que euacuationibus supprimendis
 cōferre possunt. Sic rursus audacia, *Audacia*
 spes, cōfidentia, & cæteræ passiones *et cōfidentia*
 quæ sedē habent in corde, & hepa-
 te, suos etiam vsus habere dicuntur:
 tum ad ipsius corporis optimam &
 salubrē medelam, tum & ad con-
 trarias sedandas ægritudines. Et
 cerebrum etiam quò se ipsum exer- *Cerebrum*
 ceat, & aliquo caloris motu excite-
 tur, nequādo nimio otio torpescat,
 indigere videtur cogitationibus, ra-
 tiocinationibus, & aliis exercitiis,
 prout exigūt corporis affectiones
 & animi officia. Sed si quibus hæc
 obesse possunt, vel noxam aliquam
 inferre in alterandis corporibus, iis

certè potissimùm nocere solent,
 qui articulorum morbo laborant:
 quod ex antedictis affectibus, ca-
 lorem alii accendant, effundant, ex-
 pandantur: alii minuant, contra-
 hantur. Ex quibus tandem na-
 scuntur febres, ardores, humorũ col-
 liquationes, atq; fluxiones: quę qui-
 dem articulorum compagē pròptis-
 simè dissoluūt, dolorémq; cōcitant.

Cæterùm hæc omnia, & si quæ
 sunt eiusmodi in rebus non natura-
 libus, quantam vim habeant ad Ar-
 thritidis generationē, si illis perpe-
 ram utamur, quoniam omnibus pa-
 lām esse non sum nescius, non aliis
 rationibus id stabilire aut confirma-
 re opus est. Iam igitur ad internas
 causas progrediamur & eas etiā si-
 gillatim expendamus.

*De causis internis Arthritidem
 procreantibus.*

Arthritidem fieri à debilitate *Gal. cō-*
 membri, tanquam inseparabi- *ment. 28*
 li eius causa, antea diximus: Superest *sect. 6.*
 ut ad humorem superfluum, qui e- *Aphor.*
 ius est materialis causa, trāseamus.
 Cū enim morbi omnes, vel sim-
 plices esse dicantur, vel compo-
 siti: ad morborum compositorum
 genus, Arthritidem referendam
 esse superius satis (ut mihi qui-
 dem videtur) demonstratum est.
 Nam aduentitius ac aliunde in-
 fluens humor, nempe à parte for-
 tiori ad imbecilliores delatus,
 materialis causa efficiendæ Arthri-
 tidis constituitur: quam comitatur
 intemperies, mala conformatio, &
 continui solutio.

Neque verò sola articuli imbecil-
 litas ad cōstituendam Arthritidem
 satis esse potest, ut dictum est, nisi

ascititius etiam humor ad eam decumbat, excretus nimirum, atque protrusus à fortioribus membris. Hoc enim naturæ & rationi consentaneum est: ut omne sentiens robustum, à se propellat quod molestum est, & inimicum. Externæ verò partes, ut cutis, & qui illi circumiacent articuli, & si quæ sint minus robustæ, suscipiendis humorum fluxionibus paratæ sint. Ergo ab humore aliquo fieri Arthritidem optima ratione dictum est à doctis: etiam si non perpetuò manifesta fuerit humoris fluxio. Nam per viam quoque cōgestionis, quæ nihil aliud est, quàm *ἡ σύμφορησις τῶν ὑγρῶν*, id est, humorum congeries enasci aliquando potest: ut in iis qui nulla humoris fluxione percepta, primùm obtusum dolorem, deinde maiorem sensim augescētem persentiscunt. Tandem

dem enim fit, vt non minùs infestet eo, qui ab humore affatim & continuò fluente enascitur: quẽadmodum in lue venerea accidit, in qua quidem articulorum dolores nocte diẽque infestant ægros, propter perioſtii exactiſſimũ ſenſum. Cui ab hac lue intemperies maxima, & cõtinui diuortium ineſt: quæ duo ſunt præcipuè cuiusvis doloris efficiendi cauſæ in omnibus membris ſenſu præditis. *Gal. 2.
De Sym
pt. cauſ.*

Quantũ enim immodica ac intempeſtiua venus ſuapte natura poſſit ad articularis morbi generationem, ſuprà demonſtratum eſt: quòd viriũ per hanc maxima fiat exolutio, & partiũ infirmitas non minima contrahatur. Sed longè maior noxa contingit, vbi eiufmodi virus ingenerat: cui lues adæquari vix vlla poteſt. Tantum ma-

lum citra alicuius humoris præsentiam fieri non posse, ostendit ipsius morbi curatione, quam assequi nemo potest ante aliquam manifestam humoris euacuationem per sudores, vel sputa, vel urinas, vel ventris fluxum, & eiusmodi convenientes euacuationes. Morbos qui fiunt à plenitudine certum est euacuatione curari, vel teste Hippocrat. Verum enimvero humor artuum nutriendorum gratia transmissus, quique in hac lue, nature grauis & insensus esse solet, à calore partis insito euinci ac superari minimè potest. Quinimo magis ac magis corrumpitur & putrescit, tumorem efficit, & partibus sensu præditis acutissimum dolorem infert. Sed hæc Arthritis longè distat diuersaque est ab ea, quam tractandam in præsentia
 fu-

suscepimus. verùm de illa quoque
 pauca hîc obiter dicere visum
 est, quòd vtraque causam habeat
 humoris alicuius superuacanei,
 aut excrementi superflui nimiam
 copiam, quod à parte fluit in par-
 tem, vel in ipsa parte affecta sen-
 sim paulatimque congeritur. His-
 ce enim ferè duobus modis mor-
 bus hic gignitur, nempe per afflu-
 xionem ab aliis partibus, & per
 congestionem humoris, malè co-
 quente parte. Quod nemo sani ac
 recti iudicii non comprobarit, nisi
 fortè in castra Paracelsistarum trās-
 ierit, ac eorum deliriis fascinatus
 fuerit.

Cum igitur aliqua humoris re-
 dundantia, alteram Arthritidis gi-
 gnendæ causam efficientem con-
 stituat, nec ipse simplex & vnus ef-
 se possit, vti demonstratione certa

comprobari potest. Pro varia certè sui natura, varias ac diuersas Arthritidis differentias parit: quæ tumorum, symptomatum, & partiũ diuersitate inter se discrepant. Fit enim alia à sanguine, alia à pituita, alia denique à bile: rarissimè verò à melancholia. Sed propriis notis suo quamque loco distinguemus.

Quoniam verò nobis res est cū pseudophilosophis, nouo scilicet quodam medicorum agmine, qui pro oraculorum velut ex tripode editorum loco habent, quidquid à Paracelso acceperunt (sic enim rudes & imperiti, falsas quas animo conceperunt opiniones, haud temerè deponunt) ideo paulò alius res nobis est repetenda, vt fiat dilucidior, vtque nostra oratio certis innitatur fundamentis. Hoc itaque nobis comprobandum vide-

tur,

tur, quatuor hos humores nostri corporis elementa esse, sensibus subiecta, quibus ritè contemperatis nos incolūmīter viuamus. Contrà verò malè inuicem subactis, vel corruptis, aut alioqui malè affectis, nos quoque malè afficiamur. His alia priora esse elementa non equidem inficio: sed ista tamen quatuor censentur corporū sanguine præditorum elementa quoad sensus, ex sententia omnium Philosophorum, tum etiā Medicorum, quòd quatuor illis primis omnium rerum elementis proportionē respondeant.

Constat omne corpus Physicū ex primis quatuor elementis simplicissimis, igne scilicet, aere, aqua & terra simul mixtis, ac probè contemperatis, pro vniuscuiusque generē ac specie componi: illudque

*Hippo.
De natu-
ra. Ari-
stot. De
animal.
& Gal.
2. De E-
lemen.*

*Libr. 4.
cap 5.*

ita comprobatum est omnibus sanæ mentis, ac recti & sinceri iudicii viris, vt in disputationem venire minimè debeat. Docuit apertissimè Aristote. libro De cælo, elementa rerum omnium quaternario numero comprehendi. Illudque maximè demonstrauit, ex motu leuis & grauis, quos elementis, velut accidentarias formas adesse etiam sensus ipsi diiudicant, irémque ex primarum qualitatuum quatuor cōiugationibus, quarum singulæ eodem in subiecto rectè cōsistere possunt. Calidum enim & siccum probè simul conueniunt, ignémque pariunt: humidum calido adiunctum, aerem constituit: frigidum & siccum ad terræ, vt frigidum & humidum ad aquæ productionem conspirât. Atque hoc (vt ita dicam) symbolismo & con-

cordia simul omnia constare Placito firmissimis rationibus confirmavit, id ipsum Hippocrát. & Galenus, duo præstátissima artis medicæ lumina, nomine calidi, frigidi, humidi, & sicci designarunt, infinitisque propemodum demonstrationibus (quas euincere nemo potest) manifestissimè docuerunt. Ex his ipsis non solum inanimatæ res, sed animantia quoque omnia fiunt & terminantur. Quæ verò ratione id comprehendí possit, perspicuè monstratur à Galeno. Non enim, inquit, eo modo fiunt corpora ex elementis, ac si dicas ex terra aqua conspersa, soléque excalfacta continuò animal generari: sed multis interuenientibus mutationibus generatio ex illis fit. Solet enim natura ex elementis rudia quædam opera primùm procrea-

In Timæo.

De nat. human.

De element. & temp. I.

8. De placit.

Hippocr.

& Platon.

re: alia deinde ex illis perfectio-
ra, donec perfectissima opera at-
tingat, & absoluat. Et ita ad gene-
rationem nostrorum corporum,
primùm herbas, fructus & semina
platarum gigni ex elementis, qui-
bus postea vescuntur animalia,
quæ fructibus & herbis viuunt. Ex
illis deinceps cibum capimus: ex
cibo autem sanguis, pituita, bilis
vtraque in nobis gignuntur: quæ
iàm nostræ generationis sunt ma-
teria: quibus etiã augemur, nutri-
mur, & quãdiu nostra patitur natu-
ra viuimus, & hoc modo elemēta
corpus nostrũ ingrediuntur: non
quòd illa inter se transmūtetur, &
alia ex aliis fiant, sed quòd inter se
misceatur, & ex hac mixtione ma-
teria fiat apta ad formã mixti reci-
piendã. Enimuero etsi ex primis
elementis sanguis & alii humores

in

in nobis fiant, & ex his ipsis singulæ partes gignantur, corrupta ipsorum forma & substantia: manet tamen ipsa semper materia, ex elementis conflata, quæ in ipsa resolutione & corruptione demum conspicitur. Moriente enim homine aerem expirari videmus, & planè eo dissoluto terram & humorem relinqui.

De elementis pluribus hîc pertractare, cùm aliquibus superfluum, ac præter rem fortasse videri possit, silentio prætereundum nobis esse putarem, nisi etiam inuitis nobis res esset cum iis qui nouo & inaudito falsitatis dogmate, omnia Philosophorum ac Medicorû placita, tam firmis tamque multis rationibus, tantâque seculorû diuturnitate confirmata, quantum in se est, euertere conâtur. Huius he-

releos princeps Aureolus Theophrastus Paracelsus, ignem, aerem, aquam, terram, quatuor esse corporis phsyici elementa, negare ausus est: atque ea, sicut & humores, nō esse Medico consideranda, quòd neque ad morbi cognitionem, nec ad eius curationem, quicquam faciant. Imò nihil istorum ingredi compositionem nostri, impudenter (vel etiam ipsis sensibus aliter & verè iudicantibus) affirmavit. Sed tria tantum elementa constituit, siue tres substantias, quibus omnia constare, & in quæ eadem resolui commentus est, quæ nominibus insigniuit Sulphuris, Mercurii, & Salis, eaque soli in homine (vt in cæteris rebus) existere ait: adeoque in iis tribus consistere eius, & sanitatem & ægritudinem, non item in humoribus: nec item elementa & hu-

humores ad medicinam (causa-
rū cognoscēdarū gratia) pertine- *Lib. Pa*
re: sed hæc sola tria: quòd per Vul- *rami. &*
canū, inquit, in hæc tria quicquid *li. Phar*
est, resoluitur. Omne quod ardet, «
sulphur est, & nihil inflammatur «
præter sulphur. Quicquid in fu- «
mum transit, mercurius est, nihil «
ascendit præter mercurium. Quic «
quid in cinerem redigitur, sal exi- «
stit, nihilque præter sal, potest fie- «
ri cinis. Igitur hæc tria quālibet «
rem cōstituunt, hominem sanum «
vel infirmum reddunt. Itaque re- «
ctius erit dicere, sulphur, vel sal, «
vel mercurius hunc morbū fecit: «
quā si dicas, pēdet à cholera, vel «
melancholia, vel phlegmate. «

Et hæc est scilicet ynica, singu-
laris & expedita philosophandi ra-
tio doctissimi harioli, qui scilicet
cœlo missus docendis hominibus
philosophiæ palmā sibi vendicat,

Libr. & ante sua tempora neminem exti
Pharm. tisse gloriatur, qui naturam rerum,
& libr. causas & accidetia se melius cogno
Param. uerit, neq; qui corporis humani fabri
 cam, & partes, facultates, & actio-
 nes, vti par est, cognitas habuerit.
 Neque etiã quo pacto qui uis mor-
 bus curari possit, quemadmodum
 ipse prædicat libro impietatis & er-
 rorum plenissimo, quem Pharmacã
 di inscribit: in quo se demonstratu-
 rum pollicetur quoniam modo pur-
 ganda sint corpora, neminemque
 hactenus extitisse iactat, qui id, se v-
 no excepto, probè nouerit. Sed ille
 tandem quid horum præstat, quæ
 maximo hiatu pollicitus fuerat?
 Nunc nos ad astra ducit, nunc ad in-
 feros demittit, nunc agit de Musis,
 nunc (vt ita loquar) descendit ad asi-
 nos: vt illius scripta meritò dicere
 possis portenta verè chimærica. Ete-
 nim

nim quis non animaduertat quæ ab
 eo scribuntur, adeò barbarè ac præ-
 ter rationem & authoritatem scri-
 pta esse, vt procul dubio maiorem
 multis modis fructum ex libris An-
 tonii Arenæ, vel è nugis Francisci
 Rabelæsi, quàm ex istis referre pos-
 sis. Sic neque istorum Chymico-
 rum eius affeclarum scripta magis
 prodesse palàm est, quæ ad artis i-
 stius magnificæ commendationem
 ab iis in vulgus eduntur: in quibus
 tamen nihil præter nugas reperias.
 Ad quas refutandas, ne vel minima
 quidem temporis pars (quod melio-
 ribus debetur) teri debeat. Et profe-
 ctò dispudet viros tam eruditos, in
 refellendis istius erroribus & male-
 dictis, quæ vix vllâ respõsione ac re-
 futatione digna sunt, bonam vitæ
 partem insumpsisse. Quid enim fa-
 cias, dum nemini parcat, cūctis ma-

ledicit, etiam Aristoteli, Platoni, Hip-
 pocrati, Galeno cæterisque bonis
 & omnium seculorum calculo pro-
 batis authoribus, imò & ipse præpo-
 tenti Deo, si ad amussim eius scri-
 pta perpendantur. Nam etiam eius
 opera non sine manifesta impietate
 ridet, & quantum in se est irrita fa-
 cere conatur. Quòd si quis Agyrta
 vel Paracelsista eius scripta (sic e-
 nim solent) non intelligi à nobis cõ-
 tendat: fatebor quidem quampluri-
 ma esse quæ à nemine quantumvis
 erudito & acuto percipi possint: i-
 mo ne ab ipso quidem authore:
 cùm ipse Satan hariolorum mini-
 ster, omnia amphibologica, dubia
 & incerta, necnon mēdacía iam in-
 de ab ipso mundi exordio enuntia-
 uerit. Sed me etiam quamplurima
 intelligere absurda, & impia ab eo
 scripta ingenuè dicam, quibus Dei
 bene-

beneficio nō afficiar. eorū quēdā, exēpli gratia, proferre lubet, vt eō facilius de reliqs iudiciū ferri possit.

Ac primū vt ab elementis tuis exordiamur, quis docuit te, hariole, ita philosophandum esse, Mundi machinam, cœlum, inquam, terrā, & quicquid illis continetur, & ipsū hominis corpus, tribus substantiis, sulphure, sale & mercurio constare? Nam si ita se res haberet, vt dicis, & adfirmare audes, Deū oportuit hæc tria habuisse, vt mundum & hominem ex iis, tanquam ex præexistēte materia, crearet: nam per se extitisse, ais. Sed quē hęc dementia? quis furor? quoniam modo hęc tria imaginariis? Nullum enim istorum simplex est, & incōpositum, sed aliis cōstāt prīcipiis: quare aliorū principia nequaquā existere possunt. Neque sulphur tantū flammam concipit: neq; solus sal fit cinis: neq; so-

lum hydrargyrum fumum facit.
Quod firmissimis rationibus comprobare non difficili negotio possumus.

Sulphur enim per se non existere certissimū est, quod progignitur ex succo terre pinguis vi caloris concreto, & ex terra expresso. Et illud Græcis dicitur *ἀπύρον*, quod ignis sit expers, & Latinis viuum: illudque frequens nascitur in locis ardentibus & calidissimis. Ergo causam habet efficientem, vim caloris ignei: & materialem, nempe terre pinguedinem, unde accensum nunquam extinguitur, quousque pinguis & oleaginosa eius substantia, in vniuersum igni absumatur. Vnde constat omnia quæ inflammantur, vel accenduntur, non propter sulphur inflamari (vt proponit hic nouus philosophaster) sed propter raram, leuem,

uem, & aeream, qua constant, substantiam, quæ citissimè alteratur, atque ignem concipit, vt omnes Phisici ratione probant: cuiusmodi infinita sunt propemodum sulphuris expertia, vt est aqua vitæ, oleum, adeps, stipulæ, quæ omnia sulphurea esse putat, nec alia ratione igne concipere posse. Quid (quæso) de Naphtha, seu bitumine respondere poterit, quod ardet in aquis, nec aqua extinguitur, quod tamen contingit sulphuri? Nihil certè: vt qui nimirum rerum naturalium cognitionis planè sit imperitus. Nec verò ignoramus te tuosque Chemistas, ipsum sulphur vocare masculinum semen, & primum existere nature agens, ad omnia metalla procreanda: quod etiam falsum esse constat. tantum abest vt de cæteris verum esse pos-

fit. Nam etsi præ se ferat sulphur tē
 peramentum manifestè calidum
 & siccum, & igni naturâ (si ita vis)
 simile dicatur: non tamen creden-
 dum est tam puram sinceramque
 esse materiam, vt rerum primum
 principium dici possit. Nec etiam
 cogitandum, necessariam illi non
 esse humiditatem ad congruam
 formam suscipiendam, quemad-
 modum & aliis omnibus mixtis.
 Id manifestissimum facit, eius faci-
 lima & velocissima diffusio, dum
 igni admotum, citissimè lique-
 scit. Ex iis igitur satis comprobatur va-
 num esse ac omnino phâstasticum
 quod tuo sulphuri & soli, & in to-
 tum igneam esse naturam tribuis,
 ab eoque solo ignem concipi. Nā
 de alio sulphuris genere, quod fa-
 ctitiū est, & paratur multis modis,
 hîc tecū, Paracelse, nō esse agendū

puto, quòd minus sit naturale. Ita-
 que de reliquis alijs duobus, mer-
 curio & sale, paucis etiam nobis a-
 gendum videtur: vt ad id vnde e-
 gressa est nostra redeat oratio.

Quemadmodum (vt proxime
 dictum est) cum ignis in substan-
 tiam aeream accedit, fit flamma:
 sic etiam, vbi in terream & com-
 pactam materiã incidit, in qua
 agat, fit carbo, ex quo cinis enasci-
 tur, non è sale. Nam ex iis duobus,
 aere scilicet, & terra, igne alteratis *Gal. De*
 & accensis, fiunt illa duo ignis ge- *temp.*
 nera, carbo & flamma, non ex sale,
 & sulphure, quæ per se non exi-
 stunt: sed ex illis, in quã, primis qua-
 tuor elemētis siue primo, siue secũ-
 dariò. Sal quippe ex mediocri ma-
 teria cōsistit, cū calore & siccitate.
 Nã ex partibus quibusdã terrenis,
 aquæ materiæ permistis, efficitur

à calore extraneo, præassante, vren-
 te, atque siccante: hoc est, fit à sic-
 co terreno, quod ī aqueo humido,
 caloris vi præassatur & torretur.
 Quamobrē hic sal nascitur in ter-
 ra, vel extra hāc: ille cæditur in mō-
 tibus, vel eruitur è terra, aut sub a-
 renulis reperitur: hic aut in fontibus
 aut in fluuiis, aut lacubus pro-
 gignitur, vt & in maris summa a-
 qua, solis ardore siccata. Ex iisdem
 etiam aquis excoctis, factitium sa-
 lem paramus. Hinc inde plures i-
 psius salis existūt species, quarum
 nulla rei alicuius naturalis princi-
 pium esse potest. Aliunde enim na-
 scitur, & in idipsum, ex quo ortum
 est, resoluitur, vt in aquam, si ex a-
 quis magis, & in terram, si ex terra
 magis conflatum sit. Ex his effici-
 tur tam absurdū esse quàm quòd
 absurdissimum quod illi asserunt,
 nihil

nihil posse in cinerem reduci præter salem: eúmque rerum naturalium principium esse.

Sed utinam hæc Paracelsi verba, vel tantillum salis haberent. Non enim tam insipida, nec tam ingrata forent quæ in medium affert: ut probet ad salem & sulphur morborum causas referendas esse, eorúmque vi corpora tandem corrüere, vitæque priuari. Veteres quippiam diuinum iis duobus, nimirum sali & sulphuri, attribuerunt, nempe quia sal animæ, quoad licet, vice fungens, cohibeat corporum harmoniam ad corruptionem tendentium, & membrorum amicitiam inter sese conseruet. Pari ratione sulphur fulguris igne redolens, ictorum corpora, multo tempore à putredine vindicet, non interitus &

corruptionis causas esse vnquam
 prodiderunt. Vt autē duorū prece-
 dentiū, nēpe sulphuris & salis, ma-
 teria remota sūt quatuor elemēta
 (quēadmodū suprà demonstratū
 est) ita etiā ex humido aqueo, sub-
 tili & ynetuoso, qualis est vapor
 subtilior, fit mercurius: cui nonni-
 hil terrestris immixtum esse oport-
 et. Quia impossibile est aqueum
 coagulari & coherere, nisi frigoris
 alicui terreō alligatum fuerit: vt
 ex aqua, cui immixta sit farina, pul-
 uis, aut cinis, aut quippiam simile,
 omnibus perspicuum est, massam
 confici & coherere. Eodem modo
 mercurius ex vapore & exhalatio-
 ne cōmixtis perspicuitatem suam
 obtinet ab aerē & aqua, mobilita-
 tem ab humore & pondere. Quod
 verò minutim & in guttas disgre-
 gatur, id à sicco terreno habet. Ex

iis ergò manifestissimum est; hy-
drargyrū nō esse vnū cū reliquis
duob⁹, sale & sulphure principiū,
quod corpus nostrū cōstituat: nec
qui tātū & omni ex parte in fumū
cōuertatur, vt vult iste nugator.

¶ Sed quoniam hæc ipsa principia
ad metallorū generationem Che-
mistę accomodare nituntur: de iis
quoq; hac oblata occasione (cum
tua bona venia, lector beneuole)
tāmet si præter intentum, aliquid
dicendum videtur. Neque enim
nos latet Chymistas vno ore om-
nes materialem causam metallorū
proximam & propriam constitue-
re mercurium & sulphur: efficien-
tem verò calorē subterraneū & cœ-
lestē, qui pcoquit & permutat ter-
renū & aqueū sulphuris & hydrar-
gyri, eaq; miscet & cōponit ī venis
terre. His ritē pportionatis, scilicet

virtute cœlesti & terrestri in materia existente, virtus formatrix efficaç est ad subigendam materiam metallarem, atque informandam. Quia (inquiunt) Cœlum est pater, Terra, mater metallorũ, intra sua viscera gestans ea tâquam foetum.

Et hæc symmetria (aiunt belli & acuti Chemicæ, qui se Philosophos iactitant) res eiusmodi disponi ad metallorum omnium generationem. Quin & ipsi egregii fanè naturæ æmulatores, (quò facilius aurum & argentum aucupentur & emũgant) aliis metallis inferre conantur metamorphosin, & omne metalli genus in argentum & aurum se inuerrere & transmutare posse impudenter gloriantur. Sic enim sua imperfecta, quæ vocant, metalla ad finem perfectionis & complementum perducere nitun-

nituntur arte chymica, calcinan-
 do, soluendo, scilicet elementa, se-
 parando, coniungendo, putrefa-
 ciendo, coagulando, cibando, su-
 blimando, fermentando, exaltando,
 augmentando, proiciendo, quæ hu-
 ius Cabalæ vsitata sunt vocabula.
 Sed eiusmodi metallorum substā-
 tialem transmutationem fieri ne-
 gamus. Accidētia quidem mutari
 posse fatemur, quæ tamen nomen
 & definitionem rei non immutāt
 sicut substantialis transmutatio,
 quemadmodum ab Aristotele de 1. Phyl
 mōstratur. Hac enim Alchymista-
 rum opera, quæ in terræ venis ad-
 huc impura & commixta erāt, pu-
 riora reddi posse concedimus: at-
 tamen quod ex duobus pluribúsve
 inter se commixtis, cupro nimirū,
 stanno, plumbo, ære, hydrargy-
 ro & auro conflatur: opus non v-

nus quàm alterius nomine potius
 est designandum: sed mixtum qui
 dem ex iis omnibus est. Et mixta,
 impura, & fucata res: &, vt veriùs
 dicā, mira impostura, qua quispiā
 improbus abuti facilè potest ad cu
 dēdos nūmos adulterinos: quod &
 sēpe numero fieri videmus. Id cū
 priscis sapiētibus ac Iurisconsultis
 probè cognitū esset, cōstitutis cor
 porum pœnis & bonorum proscri
 ptionibus, hanc artē colentes tan
 quam illusores, fraudulentos, ac to
 ti reipubl. perniciosos, regnis &
 provinciis excluderunt. Quoniam
 tamen hodie (vt audio) eorum in
 finitus excreuit numerus, monitos
 illos velim, desinant tum alijs tum
 sibiipsis imponere: dum enim æs,
 cuprum stannum in argentū & au
 rum, quotidianis ac nocturnis di
 urnisque sufflationibus invertere,
 in-

Canon

Episco.

26. quasi

5. de sum

ptus ex

Concilio

Acque

rensi, du

recenset

diaboli

cas &

magicas

artes.

incautis & indoctis ita illudere conantur, tēpus interim frustra conterunt, oleūque & operā perdunt, ridiculōsque etiam pueris ipsis sese præbent, quod se opinentur id arte efficere, in quo natura ipsa defecit. Vnde meritò Albertus cognomine Magnus, rei metal-
laris atque naturalis indagator so-
lertissimus ista irridet, atque ita fir-
mis rationibus demonstrat, unicui-
que metallorum speciei propriam
& peculiarem esse formā, quæ trāsmutari minimè possit, vt alia demonstratione non sit opus.

Sed age, demus, si ita placet, hy-
drargyrum in stānū, vel plumbū,
æs, argentū, in aurū cōverti posse
(quod prorsus ipossibile est) quid
hoc ad hominis corpus cōstituen-
dū, sanitatē consequendā, vel mor-
bos efficiendos cōfert? Cur hæc in

homine considerata potius quàm
quatuor elementa & humores ?

„ Quia (inquit) vltima sunt in resolu-
„ tione, dum corpus humanum Vul-
„ cano dicatum est, & fumus, flamma
„ & cinis, quæ effecta sunt mercurii,
„ sulphuris & salis, sensibus nostris
„ tantùm subiiciuntur, & deprehen-
„ duntur. Arguta sanè ratio, & tanto
Philosopho digna: qui principiorũ
suorum imprudens alia principia
constituat. Si enim mercurius, sul-
phur & sal in fumum, flammam &
cinerem reducantur hæc tria, non il-
la esse principia constituere necesse
fuit. Nec etiam hominem plũris
facit, quàm saxum aut quercum: ni-
hilòque ab illis distinguit, præter-
quam quòd hominem suam habe-
re materiam dixit ex perfectiore
limbo. Qua voce apud authores
classicos, vestis circuliue extremitas
signi-

significatur. Quid hîc sibi velit planè ignoro. Hoc vnum scio, infinitis etiam aliis vocabulis nusquam vsu receptis, perperam abuti: & quæ vsitata sunt in significationes inusitatas nulla ratione detorquere. Quade re sæpe conqueritur Gal. aduersus Thessalum & alios sui temporis imperitos, quòd nimirum inani nominum vsurpatione vterentur, cum nihil apertum, nec verum, nec rei propositæ congruens dicerent.

Sunt autem qui ea quæ antè retuli, & pleraq; alia existimēt non de veri hominis corpore, sanitate, morbo, & morborum causis scribi ab ipso, sed ad Lapidem philosophicū, quē Microcosmum appellat, referri: voluissēque illum eiusmodi figmentis, suam spagiricam artem adūbrare, & imperceptibilem (nisi filiis scientiæ) tradere. quò interim igna-

ris fucū faciat, & chymericas artes
se tractare demōstret. Sed quorsum
apud etiam authorē tam sæpe, mor-
borum, causarum morbificarū, ac
symptomatum (quæ passim confun-
dit) fit mentio? Cur bilis, melancho-
liæ, pituitæ, apoplexiæ, febris quar-
tanæ, colici doloris, podagræ & re-
liquorum corporis nostri affectuū
tam frèquenter mētionem facit? Ni-
hil enim istorū ad hūc morosophū
lapidē efformandū valere potest.

Sed omīssis his, de proposito no-
bis affectu tātum cum eo nunc aga-
mus. Nam & hīc suam satis probās
inscitiam, causam morbificam cum
morbo cōfundit: dū podagrā nihil
aliud esse existimat, quàm sulphur:

- ” cū aliās causam huius affectus sul-
” phuri tribuere cōtentus fuisset. Sul-
” phur enim ait podagræ tumore es-
” se: quē de podagra corpus podagræ

vocat:

*Libr. de
podagra
i. para.*

vocat: illúdque esse minerale saxū „
 vel sal glaciale, siue congelatū: atque „
 tot esse ipsius podagræ species, quot
 sint salū differentię, quarū septua-
 ginta octo esse, nimum accurate cō-
 tendit. Nec tamē earum distinctio-
 ne opus esse, ad curandam quālibet
 huius affectus speciem, sed vno
 collyrio omnes se curaturum, reie-
 cto omni pudore, gloriatur. Aliquā- „
 do huius affectus causam esse vult „
 mercurium, eūque fixum, quem „
 præcipitatum vocāt. Nam quod dif- „
 fluit, inquit, atque distillat hydrar- „
 gyrum, subitaneā mortem adfert: „
 quod sublimatum est, maniam & „
 phrenitim parit (quibus certē mor- „
 bis Paracelsus ipse perpetuò labora-
 uit). Sic enim cōstat ipsum sibi nō cō-
 stare, adeóq; sui immemorē tria sua
 rerū vniuersarū principia euertere:
 cū res vna & eadem esse dicantur,

non distincta. Quid mirum ergo si inconstans est in podagræ speciebus constituendis, vt sui oblitus, nūc duas, nunc tres, nunc etiam plures vel infinitas constituat? Portentosis enim vocabulis aliam falsam, acetosam, pōtagiosam, acutam, amaram, acrem, nitrosam, vrricosam, perficariosam, aluminosam, tartareā appellandam putat: non sanguineam, biliosam, aut pituitosam, non calidā, non frigidam neque humidam: vt fecere eruditissimi quique tum veteres, tum etiam recentiores. Illis ineptiis adiungenda est discipulorum sententia, vt quā bene cum Paracelso sapiant vnusquisque intelligat.

Isti Arthritidis causam esse statuunt tartarum quoddam ventriculo hærens, ac ipsius tunicis (vt in dolio fæcem vini, aut olearii vasis a-

mur-

murcam) infarctum, quod certis
 periodis in partes, quæ in corporis
 habitu positæ sunt, & articulos i-
 ipsos deponatur, illudque lógo me-
 dicamentorum potentissimè atte-
 nuantiũ, aperiētium, ac detergen-
 tium vsu, foras deturbandum præ-
 dicant. Atque in hanc, quam teme-
 re polliceri audent, curandi facili-
 tatem securitatẽque non veren-
 tur sua adhibere medicamenta, ar-
 te chymica parata, quam chymi-
 cam & pyrotechniam appellant:
 qualia sunt oleum de vitriolo, tar-
 taro, antimonio, aliáque eiusmodi,
 quæ verè & sola morbos om-
 nes curare impudentissimè propo-
 nunt. Scilicet in eo non minus er-
 rant, quàm in constituendis mor-
 borum causis, quarum sunt peni-
 tus inscii & rudes.

Nam, vt de ipso, quod in véttri-

culo contineri aiunt, tartaro primum dicatur: Quis vnquam existimabit id posse fieri, cum ipsa anatomes peritia aliter nos doceat?

ventriculus ventriculum scimus instrumentum à natura comparatum ad cibos tum suscipiendos, tum in chylum commutandos, propter vsus aliarum corporis humani partium maximè necessarios. Vbi autem ipse ventriculus secundum naturam sese habet, nusquam tartaro illi quidpiam simile procreabit, quatumuis crassos & cōcoctu difficiles cibos admiserit, Siquidem ipsius chyli probè elaborati partes sunt duæ: vna tenuis, altera crassa, & terrestris: vt & in alia qualibet alteratione ac concoctione. Quod tenue est, ad totius animantis nutritionem natura subministrat: primum quidem per venas quas me-
sa-

feraicas vocāt, ipsi iocinori sanguini
 ficādi munus habenti: deinde per
 alias venas reliquis partibus alimen-
 tum impertiens. Quod verò
 crassum est & limosum, mutatum
 in fæces in intestina per ecphy-
 sim ab ipsa expultrice ventriculi
 facultate protruditur: nihilque i-
 stiusmodi quod naturam tartari
 referat, aut hoc nomine dignum
 sit, contineri in ventriculo potest
 citra animantis iacturam. Si ve-
 rò ipsi ventriculo præter naturam
 aliquo affectu laboranti, hoc eue-
 nire quis contendat, quānam ra-
 tione id demonstrare ac confir-
 mare poterit? Nam ab aliqua in-
 tēperie ventriculi illud fieri oport-
 teret. Sed nulla ventriculo cōtin-
 gere potest caliditas aut frigiditas
 tanta, quæ humores ventriculi tu-

nicis infarctos cogere possit in tantam duritiem ac siccitatē, qualem in isto tartaro videre est. Non enim ipsemet vētriculus, hisce intemperaturis malè affectus, ipso chylo aut eodem in sanguinē quodammodo immutato nutriri posset, neque minima quævis portio ipsius chyli ad hepar ob insignes & inexpedibiles venæ portæ obstructions perferretur: vnde totū corpus breui atrophā corripī esset verisimile: cū hęc materia ita tenax, dēsa & sicca, omnibus tum ventriculi tum superiorum intestinorum tunicis superinducta esset. Nam vndique continua foret, vt ipsum in dolio tartarum. Si porrò ipsius ventriculi caliditas effectrix causa extiterit, quid quæso de hepatis ac totius corporis tēperamē-

to pronuntiandum erit? Nam sum-
mè calidum & siccum in suo gene-
re esse oporteret, ita vt ne tempo-
ris quidem exiguo spatium animas
consistere possit. At verò pluri-
mum pituitosi, excrementosi & se-
nes præ cæteris hoc morbo affici
solent: quorum tamen ventriculi
frigidity quatumuis insignis hoc
idem efficere nequit: cum ipsius
actio sit propria cibos in ore præ-
manfos & contritos concoquere,
ac suo calore insito in chylū & ma-
teriam cremori simile commuta-
re. Neque præterea vetriculo ma-
ior frigidity contingere potest,
quàm ipsi vesicæ: in qua nihil quic-
quam tale vidisse se quisquam ana-
tomes peritus ausus est scribere,
neque effari. Calculos quidem ob
excrementorum pituitosorum & cras-
sorum copiam ibi generari, nemo

non nouit, quòd vesica sit ad id de-
stinata, vt tanquam impurum vas
& ignobile, à nobiliorib. ac princi-
pibus dissitum, multorum excre-
mentorum sit sedes & receptacu-
lum. At ipse ventriculus à princi-
piis ferè omnium primus, nunquã
tale quidquam genuit ac protulit,
tametsi à multis, & non vnus spe-
ciei humoribus impleri ac affici
dicatur: vnde varia illi contin-
gunt symptomata: vomitus, nau-
sea, fluctuatio, ructus, singultus, in-
appetentia, boulimos, & infinita
propè eiusmodi, quorum quidem
omnium causas ipsis corruptis hu-
moribus, necnon excrementis, nõ
tartaro periti Medici ac corporum
dissectores ascribunt.

Quid verò si concedatur tarta-
rum illud fieri in ventriculo, & il-
lic prius inhærere? An idcirco Ar-
thri

thritidis efficiendæ materialis cau-
 sa esse potest, cùm ad articulos
 deferri necesse sit, antequam Ar-
 thritis fiat, & dicatur? Sed quò-
 nam pacto tam repentè possit no-
 xius ille tartareus humor in ven-
 triculo concretus primo quasi in-
 sultu & quasi momento, ex ven-
 triculo in extremas corporis par-
 tes, in manuum, coxæ, genuum, pe-
 dùmque articulos & iuncturas ita
 secerni atque deponi? ut vide-
 re est in hoc affectu, quo ipsi ægri
 aliquando non præuisis, neque
 perceptis quibusdam signis, vigi-
 lando, somniando, edendo, quie-
 scendo, derepente capiuntur. Vn-
 denam cōperta tā expedita permi-
 starū rerū secretio atq; depositio?
 Quòd si neque id de sola pitui-
 ta crassa lentâque adhærescente
 in ventriculo aut bile atra quis

dîcere vix audet? Absurdum cer-
 tè dictu est tartarum hoc visco glu-
 tinosius, gypso tenacius, saxóque
 durius, per vias adeò strictas & an-
 gustas à rebus aliis humidioribus
 quas in corpore videre est, secre-
 tum, in has partes defluere.

Quum igitur lippis & tonsori-
 bus manifestissimũ sit, quàm ma-
 lè illi tradant & constituent sua re-
 rum principia & effectrices mor-
 borum causas: nunc superest vt de-
 monstremus in quem vsum profu-
 tura sint, quibus vtũtur, remedia,
 vt integra peragatur fabula.

*Quàm malè composita & præscri-
 pta sint Paracelsistarum in hoc af-
 fectũ, & reliquis aliis morbis re-
 media.*

PErhibent Medici omnem in-
 temperiem, si immodica fue-
 rit, partium functiones euertere:
 medi-

medicamentorum arte chymica
 paratorum vsus, præsertim verò
 eorum quæ ex metallicis paratur,
 magnas inducere intemperaturas
 quotidiana experientia docet, at-
 que id ipsum ratio manifestissimè
 probat. Ergo vix vllus eorum de-
 bet esse vsus in medicina, ac potif-
 simum ad partium internarum mor-
 bos, vt quæ ab eiusmodi medi-
 camētis noxam promptissimè tra-
 hant. Enimuero metallicorum quæ-
 plurima rebus constant naturæ no-
 stræ aduersis: atque adeò sagax &
 prouida rerum opifex natura quæ-
 cunque vtilia existimauit, vitæ hu-
 manæ incolumiter conseruandæ,
 aut sanitati amissæ, restituendæ pa-
 lam esse, & foras in omnium ani-
 malium cōspectum venire voluit:
 vt plantas, stirpites, semina, fru-
 ctus, & reliqua eiusmodi, quorum

quædam alendorum animalium
 gratia, alia medendorum morbo-
 rû causa, vt idonea & propria sup-
 peditauit. Quæ verò humanæ na-
 turæ tum alendę, tum medicandę
 nullo modo conuenirent, tanquã
 inutilia & naturæ nostræ inimica,
 in profundissimis & abditissimis
 terræ penetralibus condidit. Et
 certè infinita latent in terræ visce-
 ribus lapidum metallorûque ge-
 nera, quæ proprios, & eos quidem
 maximos habet vsus, sed non eos
 quos illi tantopere prædicat: dum
 ex his liquores & quintessentias
 trahunt, quâs nullo discrimine
 tum sanis, tum ægris potandas
 exhibent. In eo profectò (vt &
 in plerisque aliis) prisci pruden-
 tiores fuere, qui eiusmodi vix
 vlla ad vsus medicos, ac potissi-
 mum in partium internarum mor-
 bis

bis vnquam adhibuerint. Ne-
 que in iis arte chymica emendan-
 dis frustra vnquam elaborarunt.
 Quod tamen falsò tradunt Che-
 mistarum plerique ad maiorem ar-
 tis suæ commendationem. Ex his
 enim nōnulli Mercurium Trisme-
 gistum, Mosem, Salomonem, Pla-
 tonem, Aristotelem, Albertū Ma-
 gnum, Auicennam, necnon alios
 præstantissimos sibi socios adhi-
 bent, & Chymistas fuisse suo mo-
 re mentiuntur. Quod tamen nul-
 lius probati authoris testimonio
 probari vnquam poterit: aliàs ve-
 rò seipsos suæ præclaræ artis autho-
 res (vt noui quid & laude dignum
 præstitisse videantur) non minùs
 impudenter iactitant, atque profi-
 tētur. Sed ne longiùs digrediar
 à proposito, nobis pluribus ex-
 pendere fuerit operæpretium,

quātūm incōmodi & pernicipiei ad-
ferāt eiuscemodi ex metallis parata
medicamēta, vt & quēcūq; alia sub
stantia tota & qualitatibus naturæ
nostrę aduersis cōstant, quātūmuis
ab illis commendentur: vti vitriolū,
antimonium, auripigmētum, subli
matum, tartarum, hydrargyrum,
chalcantum, gypsum, plumbum ce
rusatū, sandaracha, & infinita pro
pè alia, ex quibus olea, & medicamē
ta naturæ grata, & vsitatis aliis tum
meliora tum vtiliora se præparatu
ros, agyrtarum more, gloriantur.
Talia illa esse indicat satis supérque
maligna ea qualitas, quæ ex vapore
& exhalationibus suscitatis tum in
fodinis, tū in chymica præparatione
se se patefacit. Etenim Chymiatros
quoque istos & alios, qui frequen
tius & copiosius aliquantulum hos
vapores siue per os, siue per nares
hau-

hauriunt, ita infestat, ut sæpenumero tremorem capitis, & membrorum, paralyfim, spasmus, vertiginem, soporẽ, phrenitim, maniam inducat. Quod quamplurimi Chymici suo magno malo experti sunt. Ita videtur Chymicorum præparandi modus, ab illis tantopere commendatus, potius ad illudendos & fascino dos homines, & ad effingendum illum lapidem morosophicum confectus, quàm ad profligandas miserorum mortalium ægitudines: quod eorum verba portentosa & ignota satis demonstrant & probant. Nam cum (ut omnibus naturæ scrutatoribus notum est) orta attestentur suis principiis, Quicquid à venenatis extrahitur metallis, venenatum & naturæ nostræ inimicum ut sit necesse est. Quod si quid est eiusmodi, illud maximè cõtineri in tenui ac spi-

rituosa eorum substantia constat: quòd teter eorum vapor exitium ciuissimè adferat. Et certè spiritiosa magis quàm corporea est eorum actio: quòd fit vt breui momento possint malæ qualitatis diffusionem in vniuersum corpus impressionem facere, vt probat Galenus. Sic, aiunt, veneficos & perditissimos istos homicidas, qui clàm veneno insidiantur, aliis sua comparare veneficia, vt solis attractis vaporibus auráque venenata derepente è medio tollant. Ars autem Chymica quintessentiam, vt aiunt, id est, quintum quoddam elementum & spirituosam substantiam, in qua tota vis rei continetur, separat & detrahit ex aliis elementis. Ex quo efficitur ipsam quintessentiam à venenatis detractam, subitanèam mortem, aut certè graue periculum adferre.

*Libr. 6.
De loc.
affect.
cap. 5.*

re. Ea siquidem non minimam con-
sequitur peruadendi facultatem ex
vini spiritu, vel liquore alio tenui,
quibus sua Chymici madefaciunt
metalla ac medicamenta.

Constat enim, & venena ipsa
quoque medicamenta vocari, quod
eo nomine continetur omne, quod
adhibitum naturam eius, cui adhi-
bitum est, mutat, & id quod ve-
nenū appellamus Græci φάρμακον di-
cunt, ita vt apud illos tam medica-
menta vtilia quàm nōxia hoc nomi-
ne contineantur. Qua quidem cer-
tè ratione concedimus Chymicis
quæ parantur ab illis, medicamen-
ta seu pharmaca vocari. Quæ eò de-
terius agunt & afficiūt, quo tenuio-
ris sunt essentia, & celerius per-
meant. Quamobrem ab vilitate pa-
randi methodo, & idoneis docto-
rum præscriptionibus non esse re-
cedendum suademus, si quis tutò

& feliciter sibi consultum voluerit. Adde quòd istiusmodi medicamenta vi ignis, & magno diuturnoque incendio acriora & magis caustica fiunt, ventriculo ingrata, noxia, ac plurimùm violenta. Neque id mirũ: cùm ad ipsum quod prædicant, tartarum, ventriculo hærens, attenuandum, incidendum & foras deturbandum, siue per vrinas, siue per sudores, parata sint. Quod citra summũ vitę dispendiũ fieri vix ac ne vix quidem potest. Nam quot, quantique animam efflarint, sumptus talibus remediis, vase rupto in pectore, pulmonibus, corde, ventriculo, aut viscerum aliquo, quis ignorat? sic etiam aluo immodicè turbata perierunt aliqui conuulsi, aut certè mente alienati. Et tanto audaciores illi sunt in exhibendis talibus remediis, quanto imperitiores.

Quum

Quum itaque partes aliæ in alias minùs robustas per hunc affectum sese exonerent, via atque ductu idoneo, per quem humores ferantur opus esse omnibus in cōfesso est. Ac is quidē paratior & expeditior fit medicamētōrum aperientium vsu: qualia sunt quæ vrinas proritant, διουρητικά Græcis vocata, & διαφορητικά, quòd sudores moueant. Quorū quamplurima haud minùs calida sunt, quàm quæ potētissimè purgant, ab istis Chymicis tātòpore improbata. Et sic humor ad fluendum paratior, viam latam atque patentē faciliùs subit, quàm angustā strictāque. Vnde astringentia & roborantia, non meatus & vias referantia medicamēta, Arthritide laborantibus præscribenda esse, omnium tum philosophorum, tum medicorum communis

& constans assertio est. At isti bo-
 ni medici oleo vitrioli per nouum
 alébicum expulso, antimonii, tar-
 tari, sulphuris, necnon præcipita-
 to, & aliis arte chymica paratis,
 non foris adhibitis, sed gutture
 pleno haustis, hoc morbi genus
 vt alia ferè omnia, se curaturos in-
 foeliciter & tamen audacter pro-
 mittūt: tartaro foras per vrinas vel
 sudores deturbato, nō per sedem.
 Quia quæ purgant (inquiunt) me-
 dicamenta, magis calfaciunt &
 exiccant. Quasi verò nulla sint
 purgantia medicamenta, multò
 minus calida, quàm diuretica, &
 ea præsertim quibus vtuntur no-
 ui Chemistæ, copiosissimo igne
 ac vehementissimo incendio ex-
 tracta, adeoque merum empy-
 reuma redolentia, ad totius na-
 turæ compagem, & robur dis-
 sol-

soluendum, ad ægros in summam
 siccitatem, & horridum maras-
 mum, ac tandem ad interitum
 perducendos. Eius rei fidem fa-
 ciunt non pauci infelicitè tra-
 ctati, qui ad peritos Medicos
 quotidie confugiunt, vt resar-
 ciant ac instaurent, quæ ab istis
 laruis accepta incommoda habēt.

Neque verò Medicis & doctis
 Myropolis incognita est vera &
 expedita eliciendorum liquorum
 ratio, ex quibus egregia parant re-
 media, ac etiamnum salutifera ho-
 minum vitæ ac sanitati tuendæ au-
 xilia, idque quàm Chymicorū so-
 lertiore industria, & ad præstantio-
 res & longè efficaciores vsus. Nec
 etiam hoc destillationis inuētum
 ad istius chymicæ artis professores
 referendū est: vt qui cuiuslibet ar-
 tis medicæ partis rudes & imperiti,

veluti anatomicæ speculationis, simplicium medicamentorum facultatum examinis, itémque morborum omnium causarum ac symptomatum verè cognitionis, nihil quidquam certi & commodi constitutuere possunt. Reiectis verò & ignoratis cuiuslibet artis principiis, quicquid superstruxeris corruet.

Iam pridem norunt boni ac periti tū Medici, tum Pharmacopœi, aquas stillaticias ex plantis & aliis quibusvis vegetabilib⁹ elicere, & ad ipsius medicamenti conseruationem, & ad pocula palato gratiora offerenda; vt cū in ardētibus febribus, & æstatis feruoribus potus nobis parādus est, qui sitim optimè extinguat, & gustū potantis oblēctet: proculdubio felicius ac commodius id effici potest eiu-

sce-

scemodi stillaticiis liquoribus, ad-
ditis iulepis violarum, rosarū, aut
syrupo acetoso simplici vel cōposi-
to, aut citrei vel limonii māli suc-
co, aut vino malorum punicorum,
quàm cum alio quouis decocto,
quantumuis rite parato.

Quin & à Pharmacopœis no-
stris diligentia longè cautior & fi-
delior istorum Chymicorum siti-
bundo & inexhausto labore adhi-
betur, vt scilicet eas aquas probè
& religiosè conficiant, non ex ves-
ca plumbea, vel ænea, aut aliquo
alio metalli genere conflata, aut
terra regulari cū tot carbonibus,
& tam vehementer extructo igne,
ac tot sumptibus fructus penè nul-
lius, sed ex balneo feruētis aque,
quod Mariæ vocant, Græci diplo-
ma, vel super vaporibus extrahūt:
parique modo restaurantia ex re-

bus naturæ amicissimis, & analogia quadam respōdentibus parāt, quæ & alunt, & morbis aduersantur, vires reficiūt, atque instaurāt.

Idémque ex his iisdém etiam rebus parāt nostri ad oculorū morbos collyria, ad capitis dolores oxyrhodina, ad cordis & iocinoris affectus epithemata, ad dolores quoscunque anodyna, & ad animi deliquium odoramēta: quālia quæ fiunt ex floribus rosarū, pomorū arantiorū, myrti, lauend. rorism. & aliorum simpl. quorū flores suauiter spirant: non à rebus foetidis & malè olētibus, vt sulphure, antimonio, calcanto, hydrargyro, auripigmento, quorū olfactu & aura spirāte exanimantur propemodū qui horū Cyclopū antra subierūt.

Præter eiusmodi stillaticios liquores, olea suauissima & ad mul

ta symptomata sedanda nostri cō-
ficiūt è vulgari cinnamomo, caryo-
phyllis, nucibus myristicis, maci-
atq; seminibus, anisi, fœniculi, car-
ui, melāthii: baccis lauri, iuniperi:
ex flor. saluię, stœchad. lauēdulæ.
rorism. betoni. atque similib. Quo-
rum omnium verā rectāque pa-
randi rationem cum & Medici &
pharmacopœi habeant: sic eorū-
dē securū & perutilē vsum docent
& præscribunt. Metallicorū autem
vsus utilisne sit, necne hi postea di-
scant qui periculum fecerint.

Neque tamen tantū tribuendū
est aquis igne extractis, vt Medico-
rū decoctis sua laus & cōmēdatio
detrahatur: quēadmodū isti impu-
denter faciunt, qui herbarū & alio-
rū medicamentorum decocta, vel
diluta non plaris se facere aiunt,
quàm lacustrem, palustrēve,

aut pluuialem aquam. Qua in re i-
 pforum inscitiam haud satis mira-
 ri possum, qui nesciant veteres Me-
 dicos potiones suas ex dilutis vel
 decoctis herbarum, fructuum, flo-
 rum, seminum, radicū, & reliquo-
 rum, ad curandos corporū nōstro-
 rum affectus cum foelicissimo suc-
 cessu vsurpassē, stillaticiorū liquo-
 rum nulla facta mētione. Et fortē
 existimarunt, nec præter rationē,
 etiam decocta atque diluta distil-
 latis liquoribus esse longē præstan-
 tiora, quòd in distillando non mo-
 dicū substantiæ deperdatur, &
 in auras euolet. Quò fit vt nō pau-
 ci medicæ artis peritissimi ad hūc
 vsque diem decoctis & dilutis vti
 malint, nēpe quia constat apertis-
 simē longē plus virium in iis conti-
 neri, quàm in aquis stillaticijs.
 Quinetiā ad decocta nostra acce-
 dere

dere vel inuiti coguntur egregii
 isti artifices, postquam ex suis tam
 præclaris remediis nihil vtilitatis
 & commodi fuerunt consecuti.

Quàm igitur ab omni ratione
 aliena sit de principiis rerum natu-
 ralium Paracelsistarum sententia,
 quàm inepta & absurda de mor-
 bis, morborum causis, & curandi ar-
 te, & medicamentorum præpara-
 tione, quam profitetur doctrina,
 iam nemini obscurum puto. Idque
 maximè, si quod de ea re ab illis
 traditum est, cum priscorum & hu-
 ius ætatis doctissimorum authorum
 scriptis conferatur. Quare exposi-
 ta, & satis, quantum puto, refutata
 illorum sententia, superest vt no-
 stram de Hippocratis & Galeni &
 aliorum probatissimorum autho-
 rum mente depromptam tradamus.

De differentiis huius affectus, & signis propriis cuiusque humoris hūc ipsum constituentis.

Cap. 4.



Quoniam modo humores insint nostris corporibus, & elementa nostrum corpus constituentia, quoad sensus, dicantur, suprà ex præstantissimorum authorum iudicio & ratione à nobis satis demonstratum esse videtur. Iisdem etiam sanitatis ratio, cum secundum naturam sese habent, assignatur: veluti cum à naturali cōstitutione recesserunt, morbi causæ appellantur: quemadmodum partibus corporis sanitas vel morbus attribuitur: & functionibus corpus nostrum gubernantibus symptomata omnia.

Hæc enim tria præter naturam, nempe

nempe morbus, morbi causa, & symptoma, ad tria corpus nostrum constituentia referuntur, eaque destrüunt, & interitus nostri authöres esse censentur. Sed vt vnus idémque morbus sæpe numero varias sortitur appellationes, atque in species diuiditur: ita & causa vnus morbi varia & multiplex esse potest: quod scire non parum refert, si morbi curationem ritè consequi velimus: etsi hoc planè negant Paracelsistæ.

Sic igitur Arthritis varias complectitur differentias, scilicet pro partium varietate quas affligit: vnde aliàs chiragra, Ischias podagra *γροάγρᾱ*, à manu, coxendice, pede, genu necnon aliis partibus quibus insidet humor appellatur. Alia ex feminis vitio

orta, & à parentibus contracta, ob
 id hæreditaria. Alia ex morbi alicu-
 ius specie, quemadmodum ex lue
 venerea. Alia, eaque maxima diffe-
 rentia est, quæ petitur à materia ex
 qua fit. Nam quædam à crudo, cras-
 so & pituitoso humore enascitur,
 quæ frigida est: & hæc frequentissi-
 ma. Alia, eaque frequens, à bile &
 sanguine, quæ calida est: frequentis-
 sima quæ ex mixtis humoribus se-
 rosisque recrementis: rara ex melan-
 cholia. Sed earum quæque propriis
 notis atque signis distinguenda:
 quòd unicuique morborum spe-
 cieï propria debeatur curatio.

*Arthri-
 tidis san-
 guinea
 signa.*

Vbi igitur à sanguine fluxio con-
 citata est, omnia phlegmones sym-
 ptomata manifestissima conspiciun-
 tur, vt tumor magnus, durus atque
 renitens, rubor, pulsatilis calor, fer-
 uor, tensiuus dolor, & quæcunque
 phleg-

phlegmonem consequi solent. Maxime verò si adolescentiæ & iuuentuti accesserit sanguineus corporis habitus, vsus eduliorum, quæ & laudati sint succi, & maxime alant. Tempus vernum, aut regio temperata, leuis & minima exercitatio. somnus mediocris: suppressa quædam consuetudine euacuatio, per menses, mariscas & hæmorrhagiam, vel purgantis medicamenti intermissio. Totum corpus candidius, aut calor blandus, mitis & halituosus, tensio vasorum in toto corpore plenorum conspicua, venæ potissimum sanguine turgentes, αἱματοφλεβοϊσάσεις dictæ, urinæ fuluæ, & rubræ, mediocri crassitudine præditæ, & aliquid in medio quasi suspensum habentes, instar nubeculæ. Hæc omnia hunc morbum à sanguine ortum significat: qui cum sit omnium humorum temperatissi-

*Lib. 3. et
3. pro-
gnos. &
commen.
27. & 30
Sect. 3.
Aphor.
& lib. 1.
sani. in-
end.
De nat.
huma.*

mus, sequitur vt qui hoc modo affecti sunt, neque refrigerantia, neque calfactoria valde præsidia adhiberi sustineant, & per circuitus irritatione quadā exacerbetur dolor, potissimum matutino tēpore.

Biliofa
Arthriti nota. Cū verò biliosa fluxio infestauerit ægrum, color subpallidus ac subrubens existit, qui si digito prematur, cutis rubicundior euadit: quia nimirum portio summam cutim occupans, tenuior cū sit, facilè effugit. Crassior verò ac rubicundior sanguis, qui sub cute latebat, redit ad locum digito pressum, flauo ac bilioso humori mixtus, vt in erysipellate facilè videre est. Dolor citra magnum tumorem, distentionem, aut grauitatem cum vehementissima ac feruentissima caliditate punctorius, acutus, lancinans

cinans ac deũrens percipitur, & is plurimum mitescit, adhibitis vehementer refrigerantibus medicamentis, siue actu, siue potentia talia existant. Augetur verò contrariis, ac ferè tertio quoque die exacerbatur vnà cum febre, potissimum circa statum, ac valida fiti. Vrina cernitur subflaua, tenuis, quandoque acris, & mordax cum paucis contentis. Pulsus veloces, frequentes, magni ac vehementes. Biliosus idem vomitus, viridis & flauus cum amarore vehementi. Aluus quoque sicca, stercus paucum, acre & vrens existit: necnon flauum, pingue, & torminosum. Is si accedat biliosus corporis habitus, & tangentibus calidus, siccus & mordax, gracilis, hirsutus, cū venis & arteriis ampliorib. colore faciei & corporis

2. De tē
pera. &
in Art.
medi.

reliqui subpallido, flauo, nigello, aut ruffo. Reliqua quoque si consensiant, ætas iuuenilis omnium ætatum biliosissima, victus ratio bili gignendæ idonea ex amaris, acribus, falsis, & multum calefacientibus, exercitationes celeres, vehementes, frequentes in tempore & regione calidis cum inedia & paucio cibo. Ingentes demum curæ, iræ, vigiliæ, fatigationes, & quæcunque (vt vno verbo complectar) corpus exicare, ac bilem gignere possunt, morbum à bile ortum significant.

*Arthriti. pituitosa si-
gna.*

Si verò à pituita fluxio procedat, color haud multum immutatus apparebit subalbidus, & qualis in hydrope cernitur, cum tumore scilicet molli, qui prementibus digitis facile cedit. Dolor non perpetuò sibi similis, sed vna eadèmq; die interdum vehemens, interdum sat tolerabilis

rabilis, perpetuò verò circa noctem
 sensim exacerbat, ac per plures ho-
 ras perseuerat. Vix verò vnquã pla-
 nè intermittit, & si tumor non ad-
 modum excrescat, & in altum tol-
 latur. Isthec omnia simul cum to-
 tius corporis grauitate, facie subtu-
 mida, carne molli, tactu frigida &
 situ obsita, cute ex albo liuida, &
 plumbea: ætate senili, hyberno tẽ-
 pore, & aere quouis frigido & hu-
 mido, similique victus ratione & se-
 dentaria vitæ conditione, somno
 longiore, pituitosi humoris abun-
 dantiam demonstrant. Adhec vrina
 conspicitur nunc tenuis, nunc cras-
 sa, turbida, alias alba & aquosa, de-
 iectiones pituitosæ, frigidiore, cru-
 dæ, albæ, mucosæ, pulsus paruus, tar-
 dus & rarus accedit. Partium item
 omnium, & mentis segnities, atque
 grauitas, torpor, obliuio prompta,

ex quibus pituitam huius mali causam existere haud difficile intellectu est, quemadmodum & in aliis affectibus pituitosis, oedemate, leucophlegmatia, ophiasis, alphis albis & alopecia, & eiusmodi reliquis.

Cum autem fluxio ab atra bile (quod rarò contingit) oritur, dolor non tam vehemens neque acerbus existit: sed per circuitus, ut plurimum, nempe quarto quoque die repetit, atque post meridiem ilicò minùs, circa vesperam verò magis affligit. Adde quòd frigoris sensus quandoque adest, & locus in profundo quasi atteritur. Color partis liuidus, & ad nigrum vergens. His si accedat corporis macies naturalis, & constitutio melancholica, hirsuta, nigra, subruffa, frigida, sicca, cū venis angustioribus & pulsu duro, sicco, humorem melancholicū morbi

bi causam esse certius ostendunt.
 Quemadmodum etiam vrina crassa, nigra, fusca, interdum viridis, liuida, interdum rubra, obscura, cum eorundem colorum deiectionibus, & cibi appetentiâ corrupta, nonnû quam canina. Per somnum itē imagines mortis, cadauerum, tormentorum, lapsus veluti è præcipitio, dæmonum & rerum horrendarum.

Aspectus quoque fixus & toruus, atque formidabilis. Præterea morbi melancholici si aliquando præcesserint, vt cancer, vlcera phagedenica, varices, hæmorrhoides, scirrhus, alphi nigri, pfora, lepra, mélancholia morbus, lienis tumor atque durities, & alii eiusmodi ex melancholico humore oriundi affectus. Maximè verò, si victus ratio antecessit ex alimentis & eduliis bilem atram vel melâcholicum humorem gignentiu-

bus, & lassitudines immodicæ, regio frigida & sicca, tempestas autumnalis, & cōsimilis aeris status, cum declinante ætate, tum melancholicum humorem Arthritidis causam iure dicendum est. At fortè quis obiiciet, quòd statuerit Gal. lib. 10. de Compositione medicamentorum, Arthritidem solùm à sanguine præsertim bilioso & pituita gigni, Arabes autem à melancholico, huic rationi innixi, quòd ossa & ligamēta, in quorū cavitatib. & acetabulis morbi sedes est, humore melancholico nutriūtur. Verùm cūm duplices sint causæ internæ, nimirum antecedentes & coniunctæ, vt ab omnibus receptum est, Galenū eò loci de causa antecedente locutum nobis intelligendum est. Hæc verò materia Arabum coniuncta dici potest.

Sæpiſſimè verò ex prædictorū humorum complicatione fluxio fit, & fluxus fluxui ſuperadditur, & ex commiſtis diuerſique generis humoribus ſuboritur, cūm calidus frigidus, aut frigidus calido cōmiſcetur, ac proinde dolores, colores, calores, & exacerbationes idētidem confunduntur: neque tumor cerhitur ſimplex, nec ſemper ſibi ſimilis, ſed pro humorum mixtione. Aliquando phlegmonodes & eryſipelatodes, cūm œdemate vel ſcirrho, pro humoris ſcilicet exuperantis natura & modo: vnde imprimis animaduertendum nobis eſt, quis humor magis abundet, vt à quo maior etiā indicatio curationis ſumi debeat, reliquo tamē humore non neglecto. Porro, vt difficillimum eſt, & in artibus operibus laborioſiſſimum: ita

*Signa
Arthritid. ex
humorū
cōplicatione.*

130
omnium præstantissimũ, & ad curationem consequendam apprimè necessarium. Atque adeò eo etiã neglecto, vix medicamentis morbus expugnari, sed ne mitescere quidem potest: cùm propter causæ varietatem, tum propter morbi vetustatem, quæ tophis & nodis sese prodit, antequàm ab imperito & inexercitato morbus planè internoscatur. Hinc inde Paracelsistas plurimùm hallucinari cõstat, qui nulla distiñctione adhibita, quãlibet podagrã, & quantumvis nodosam, aut inueteratã, nullo iudicio, nec vlla rectè curãdi, aut saltẽ medendi habita ratione, non sine proximi fraude, & certè existimationis suæ iactura se curãtuos promittunt. Verùm si eius differẽtias seu species omnes quis probè teneat, absolutã quoque curationẽ cõsequi poterit, dummodò & ipse

151
officiū faciat, & æger in omnibus
se obsequentem præstiterit, vti fa-
ciendum monet Galenus.

Sed non desunt qui dubitāt vn-
de, quānam ex parte, & qua viā ad
articulos hic humor perueniat. Nō
nulli enim hanc materiā extra cal-
uariā esse positā, & à capite in sub-
iectas partes delabi per summam
corporis cutē existimant; & ex ve-
nis quæ in corporis habitu positæ
sunt. Alii hunc humore à venis ma-
ioribus (quales sunt interne) ad ha-
bitum corporis propelli, atque in-
fluere aiūt. Harū sententiarū que-
nam potior habenda sit, aliis iudi-
candū relinquimus, cū vtrāque
firmissimis rationibus stabiliri &
cōfirmari possit. Nā qui à capite flu-
xionē fieri volunt, eo maximè ni-
tuntur, quòd materia pituitosa, bi-
li permixta, tāquā vehiculō quodā

in partes posteriores & spondylos colli per neruos deriuetur, vt Gale-
 no placet lib. κατὰ τόπους, vbi de po-
 dagra loquitur. Occupat autem iū-
 cturas eò delata, in quibus chordę
 & cartilagines sunt, & loca exan-
 guia. Materia verò antecedens ab
 hepate calido & frigido ventricu-
 lo ad caput effertur: quia iis qui ta-
 li sunt temperamento, excremen-
 ta ad caput facilè transmittuntur.
 Quod indicant sic fieri capitis gra-
 uitas, quam multis accidisse anim-
 aduertimus ante paroxysmum. Itē
 somnus comatodes & profūdior,
 frigiditas quoque percepta circa
 humeros, dorsum & lumbos cum
 quodam quasi titillatu, quem do-
 lor à tergo comitatur, aut certè cō-
 sequitur. Contrà verò id negant
 alii: quoniam axioma sit physi-
 cum, & à medicis receptū, fortio-
 res

res partes, in debiliores, noxios humores & excrementa propellere. quæ quidem depositio transmissioque, fluxionis species iure dici potest. Id ipsum in icteritia, tertianisque febribus facile videre est, atque in aliis etiã morbis, in quibus vitiiati humores à visceribus ad corporis habitum protruduntur, tanquam per canales & iter cõsuetum à natura, nempe per venas & arterias, per quas simul alimentũ ad omnes partes peruenit. Atque illud verisimilius esse existimant quàm illud alterum, nempe per membranas & nervos ad articulos defluere hos vitiosos succos, bonis ac laudatis humoribus permistos. Earum sententiarum neutra conuenit cum Paracelsistarum illa tartarea: qui tartarum in ventriculo contentũ causam huius af-

fectus esse acerrimè contendunt.

Vt igitur diuersa est hæc nostra de Arthritide sentētia, ratio & causa, ab ea ex Paracelsicis tartaris de-
prōpta, ita dissimilis curatio, & præ-
parādorū remediōrū modus. Quē
nos subnectimus, præscriptis etiam
formulis remediōrum, nō vt artis
& doctōrum Medicorū honori
quicquā detrahatur, qui lōgè me-
liora & cōmodiora adīuenire pos-
sunt, sed vt discāt rudes & imperi-
ti à probatissimis authoribus desu-
menda esse quæ ad inculpatam sa-
nitatē cōseruandā, vel amissam re-
cuperandā faciunt, quo bono nul-
lū maius homini accidere potest.

Cæterū omnem Arthritidem
(breuitatis necnon perspicuitatis
gratia) in calidā ex sanguine & bi-
le, & in frigidam ex pituita, & rarō
ex melancholia, vel mixtam, nēpe
ex

ex variis humorib. conflatā, distin-
guimus, ac illius tū præcautionem,
tū etiā curationē sic aggredimur.

*De Arthritidis præcautione, & cu-
ratione vniuersali, necnon de quibus-
dam circa hunc eundem affectum
observādis generalibus præceptis.*

Cap. . s.



Artis medicæ ratio postu-
lat vt medicus nō solūm
affectus corporis omnes
præter naturam cognoscat, & æ-
gros ad naturalē statum reducat:
sed etiam sanitatem illāsam & ad-
huc integram, sicut & recuperatā,
quātūm potest, cōseruet. Est enim
medicinæ finis, sanitas. Ideo quæ-
dam nobis præmittenda vidētur,
antequā ad particularē cuiusque
Arthritidis curationem deuenia-
mus. Nimirū dolores podagricos
verē & autumnō magna ex parte

moueri: ac vere quidem, quod calore fundantur humores, ac in partes imbecillas & articulos protrudantur. Autumnii vero tempore, propter ipsius inæqualitatē, dum vitiosi humores ex usu crudorum fructuum coaceruati, ad easdem partes delapsi, hos morbos excitare solent. Hinc efficitur iis potissimum temporibus Arthriticos esse euacuandos ad præcautionem, pro natura causarum duarum, vt prius ex Gale. sentētia dictum est, hoc est pro imbecillitate articulorum, & redundantium humorum copia. Duplicem enim cūm præseruationis tum sanationis scopū medico proponi par est, humoris superflui euacuationem, & partium imbecilliū corroboratiōē, quarum vtraque varia existit pro diuersa laborantis partis natura, &

varia
 varia

varia redundātis humoris ratione.

Primus itaque totius negotii sco *Viētus*
 pus in cauta victus ratione consiste *ratio.*
 re debet (citra quam ne sani quidē
 diu absque noxa existūt) quam nos
 circa res non naturales imperare de-
 bemus : vt sit victus temperatus ac
 contrarius causæ Arthritidem faciē-
 ti, vt si magis pituita redundet, ei ma-
 gis aduersetur ipsa victus ratio. Idē
 de bile & reliquis sentiendum. Vi-
num venusque in qualibet Arthriti
de semper vitentur, ob causas supe-
 riūs in illarum tractatione dictas.
 Aer quoque sit contrarius causæ ef-
 ficiēti, serenus ac temperatus. Som-
 nus mediocris, sed diuturnior in Ar-
 thritide calida quàm frigida : non
 diurnus, nec statim à cibo, itēque
 exercitatio & motus omnis nimius
vitandus, multoque magis in bilio-
 sa quàm pituitosa. Quies enim illis

præstâtior. Animi pathemata, curæ, sollicitudines, mœrores, ira, furor, excandescencia procul arcēda, vt ex iā antedictis colligere licet, cū demonstratū à nobis est quæ ratione singula vel prodesse vel obesse possent, cū ad præcauendum futurum morbum, tum ad iam factum sanandum tutò, citò ac iucundè pro statuto medici officio.

Sed quia sepe accidit vt corpus superfluis iisdemque vitiosis humoribus plenum, eorum partem natura vi excretrice sua propel- lat in articulos, nonnihil ob eius imbecillitatem in profundissimis visceribus moram facit, in quibus impactum obstructionem ac putredinem parit: vnde febres accenduntur: Intermittentes quidem si in primis venis: Continuæ verò,

verò , si in magnis humor putrescens deliteſcat. At tunc artiſci probato & perito febris potius quàm articularis morbi ratio habenda eſt , quòd ab eo quod magis vrget perpetuò auſpican- dum ſit , vt vulgata fert Medi- corum ſententia. Nam continua ſi fuerit, periculo vacare non po- teſt : intermittens verò in conti- nuam facilè tranſit, ſi congruis adhibitis remediis feбри non pro- ſpexerimus. Ea verò maxima ſunt & præcipua, ventris emolli- tio, & ſanguinis detractio, prout vires & ætas permittēt, & exercitato Me- dico neceſſaria videbuntur. Poſt- ea humorum præparatio, ac de- mum eorūdem expurgatio: quod tamen cum ſolerti præmeditatione ſemper agendum, ne à medica- mento purgantē agitati humores

in partes imbecilliores defluant, aut aperientibus medicamentis excrementa ad iuncturas ferantur: & ita fluxione adaucta articulare morbum exasperent. Vnde præparantia & purgantia leuia sunt adhibenda: vel si efficaciora fuerint, illis modiciter astringentia erunt adiungenda, quæ fluxionē ad articulos prohibeant. Interim tamen obstructiones viscerum referent.

Medicamentorum eiusmodi ingens sylua apud probatos authores habetur, cū ad humorum præparationem, tum ad eorundem expulsionem: vt est mel rosatum, absinthium romanum, & ponticum, rosæ, plantago, lenticula aque, cichoreum, intybus vterque, rhabarb. myrobal. syrup. rosa. laxa. aloe, cafsia tamarind. & infinita alia, quæ pro vario ægrotantis temperamento hu-
mo-

moris ratione, & tempore morbi,
ab exercitato & perito præscribi po-
terunt.

Quòd si febris lenta fuerit & nō
valde infesta ægro (nam ratione &
doloris & inflammationis omni
ferè articulari morbo cōiuncta est)
adeò perterrere nō debet, vt illi spe-
ciatim prospiciamus, quòd naturæ
tantam vim & noxam non adferat,
quin sublata eius propria effectri-
ce causa, etiam omni ex parte tol-
latur.

Superest igitur (vbi nihil à vero
nobis proposito Arthritidis curan-
dæ scopo auertit, vt pro diuersa cau-
sæ morbum efficientis ratione & e-
ius qualitate, particularem quoque
curationem tradamus: exordientes
ab ea quæ humoris pituitosi & in-
temperiei frigida soboles existit,
omnia suis locis appositè demon-

strantes, nihil etiam quod videri possit minimum prætermitturi, quò facilius cuique sit iudicare, quid in hac vulgari & tot seculis celebrata curandi arte reprehendi possit, aut melius vel magis appositè præscribi ab hoc nouo tartareo medicorum genere.

Arthritidis à causa frigida.

curatio.

Victus ratio.

PRæscripta victus ratione congrua, & morbo eiusque causis contraria, vt suprà demonstratum est: si alius suppressa fuerit, poterit emollienti enemate sollicitari. Ac

Vomitus

tum demum citari vomitus ad reuulsionem, maximè in pituitosa Arthritide, modò omnia consentiant: idque à cibo. Deinde si venæ

Vena sectio.

sectio sit idonea, omnibus perspectis rebus hanc aggrediemur. Mitatur verò sanguis ex parte magis

con-

congrua, & ad reuellendum & ad
 euacuandū proviriū, ætatis, tēpera *Gale. de*
 menti, tēporis, regionis atque con *curand.*
 suetudinis ratione. Postea apparā- *rat. per*
 dus humor serapiis, decoctis, infu *vena se-*
 sionibus atque dilutis, quæ cum *ctionem*
 calida esse debeant, adstrictionis *& 2. ad.*
 quoque participia esse oportet: vt *Glauc-*
 ex syrups stœchad. confect. acori, *nem.*
 melle rosato colato, & aquis iux ar *Humo-*
 thriticæ, betoniciæ, saluæ, meliss. *res pra-*
 dulcoratis puluer. nucis moschatæ, *parātia*
 aut pulu. alicuius electuarii ad id
 accōmodati, quod non ingredia-
 tur moschus, vt quod caput nimiū
 repleat & fluxiones augeat. Diar-
 rhod. abb. vtiliter addi & cōmodè
 præscribi potest, quòd aperiat &
 obstructions hepatis tollat. Dia-
 margaritō etiā frigidū, quāuis no-
 mē frigiditatis præ se ferat, vires ta-
 men cordis & calorē naturalē con

seruat ad strictionisq; est particeps:
ob id fluxiones non mouet.

Purgantia medicamenta quietis
tempore sunt adhibenda. Nam aliis
temporibus humores agitent, a-
deoque redderent magis fluxiles,
vt sunt pilullæ assaięret, de quin-
que generibus myrabolanorum, de
hermodactylis, pilullæ Arabicę, &
iuxæ arthriticę: ex quibus drach. i. cū
melle rosato, vel cum alio syrupo
conuenienti tutò sumi potest circa
mediam noctem, obseruata victus
lege. Vel earum loco catholic. aut
diaphœni. conueniens quantitas in
forma boli: vel eadem dissoluta in
aquis iuxæ arthriticæ, betonicæ,
aut aliis suprà commemoratis, ma-
ne horis quatuor ante cibum. Aut
decoctum parari potest ex glycyrrhiza, passul. sem. anisi, foeniculi, flo-
ribus cordialibus, rořism. stœchad.

saluic

saluie in cuius sufficienti quantitate:
 Agaricus recens trochiscatus, rhabar-
 barum in aqua betonicæ diligen-
 ter maceratum atque expressum, aut
 aqua iuxta arthriticæ irroratum dis-
 solui poterunt, addito syrupo rosa.
 laxa. aut melle rosa. vel syrupo stœ-
 chad. ex quibus omnibus potus con-
 fici poterit, egro in aurora propinā-
 dus, & sequenti die bolus ex confer-
 uis florum rorism. rosarum & the-
 riace mediocris vetustatis deglu-
 tiendus.

Ad sedandum dolorē topica ad-
 hibeantur remedia, quæ repellant
 & humorū impetum inhibeant, qua-
 lia fuerint quæ sequuntur:

Recip. corticis vlmī p. j. caudæ equi, vsnæ,
 stœcad. añ. m. s. sandar. arabum, mastich.
 thur. añ. vnc. salumi. drach. iij. feruefiant
 in æquis partibus vini styptici, & aquæ
 chalybeatæ, atque hac decoctione tepi-
 da intincti panni identidem imponan-

*Fomen-
sum.*

vasis fluxionem mittentibus, vel par-
tur sequens.

Cerotū.

Recip. galangæ, nucum cupressi, thuris,
nucis mosch. terræ sigill. bistor. añ. drac.
ij. pulu. masti. drach. j. f. olei myreini vnc.
iiij. ceræ parum: fiat cum pistillo calido
cerotum, quod super alutam extensum i-
teratis aliquot vicibus superimponatur
vasis fluxionem mittentibus.

Si dolores adeò sequiant, vt vires
etiaminum deiciant, vti possumus
his catapotis, idque in accessionib.

*Pilulla
in vehe-
menti do-
lore de-
glutien-
da.*

Recip. styra. liquidæ, myrrhæ añ. drach. j. li-
ba. veri corti. thuris añ scrup. iiij. castor.
croci añ drach. f. succi glycyrr. drach. j.
opij thebaici scrup. ij. cum succo cōsolid.
maior. & iuæ arthrit. fiat massa: ex cuius
drach. f. vel scrup. ij. cōcinnentur pilullæ
iiij. quas media nocte, & quotiescunque
necessitas virgere videbitur, ægrotus de-
glutiet.

Extrinfecus verò adhiberi pote-
rit eiusmodi paregoricum.

*Ano dy-
sum.*

Recip. olei cham vnc. iiij. olei lūn br. vnc. ij.
miscantur, & calidè demulceatur locus.
Interdum iisdem oleis axungi galli. vel
humana miscbis ad vnc. j. vel duas: vel

ex vn-

ex vnguento resumptiuo inungi poterit
locus dolore affectus.

Aut cataplasma ex mica panis ma- *Cata-*
cerati in lacte muliebri, ouillo, vel *plasma*
caprino, vel hydromelite, aut oxy-
crato, additis ouorum aliquot vitel-
lis, modico croci atque butyri recen-
tis sufficienti quantitate, confici po-
terit & supra adhiberi.

Lithargyrum cum vrina pueri *Vnguen-*
in mortario agitatum, & ad formam *tum.*
vnguenti redactum, partibus affe-
ctis plurimum commodabit: item-
que

Raparum minutim concisarum *Cata-*
sufficiens quantitas in lacte vacci- *plasma*
nō coctarum, ac cataplasmatibus instar
supra locū applicatarum, per quā
conueniens sedandis doloribus. Ex *Suffitu*
iisdem etiam supra prunas iniectis
suffitus ad partes dolore tentatas v-
tilissimus: vt & sequens:

Stercus vaccinum recens collectum affectis articulis calidè adhibitum, dolorem sedat & resoluit.

Tandem massa emplastri resolvens, & ex alto trahens circa finem Arthritidis præscribenda.

*Empla-
strum.*

Recip. massę emplastri diachylo. ireati vnc. ij.
massę emplastri de meliloto vnc. j. s. pul-
ueris rad. enulę camp. vnc. s. cum oleo de
lilio permisceantur, & fiat massa, ex qua
fiant emplastra, magnitudini partis affe-
ctę æqualia, calidè vel tepidè admo-
uenda, pro ratione partis & aeris ambientis
qualitate. Ne verò supercalefacta vesicę
excitent ampliores, identidem tollantur
& admoucantur.

Lixiniũ quoque sequens circa
finem adhibendum, quod siccat
& absomit, abstergit & roborat.

Fotus.

Recip. cineris cort. fabarũ, ilicis, oleastri añ.
vnc. iij. pulueris corticis thuris vnc. j. de-
coque in aqua, & ea tepidè articuli affecti
lauentur, ex sponsia molli vel filtro.

*Cata-
plasma.*

Idem præstat cataplasma ex farina fabarum
& axungia porci, ex Gale. lib. 7. simplic.
medicament.

Ad

Ad roborandas neruofas partes,
 cerebrum aliâque viscera circa de-
 clinationē affumetur drach. i. plus
 vel minus theriacēs mediocris æta-
 tis: vel tessella vna electu. diamof-
 chi dulcis, idque noctu tantum,
 quia hac diei parte potissimum pi-
 tuita mouetur, longè à tenui cœna.
 Hæc enim medicamenta siccant
 & absumunt reliquam fluxionis
 materiam, ac simul etiam non me-
 diocriter roborant.

*Curatio methodica tempore quietis
 in Arthritide frigida.*

Victus primò præscribatur af-
 fectui contrarius, deinde ve-
 re & autumno præmisso enemate
 conuenienti, mittatur sanguis, si vi-
 res & cætera consentiant, vt mo-
 nuir Hippocrates: vomitus postea

*Aphor.
 sect. 6.*

*Mino.
rans me
dicamē-
um.*

ciendus, potissimum si æger ad vomendum paratus sit, vt antea definitum est. Loco enematis si commodius videbitur, materiam minus eceoprotico medicamento per os assumpto, ex catholico vnc. s. diaphoenici drachm. ii. cum saccharo in forma boli vel iisdem dissolutis cum aquis saluæ, maiora arthriticæ, saluæ, betonice, vel similibus propinatis: deinde secta vena, vt dictum est, hæmorrhoides citare, si res postulet, vel menses in mulieribus prouocare non inutile erit.

Postea humorem peccantem decocto apparare, quod è cerebro trahat, siccet, & digerat cum aliqua adstrictione ac simul etiam purget.

Recip: glycyrrhizæ rasæ & parum contusæ,
vnc. ij. s. calami aromar. rad. acori vulga.
(nam

(nam cum caliditate aliquid adstrictio-
nis habent) añ vnc. j. betonicæ, saluiæ,
primulæ veris, chamæd. chamæpit. añ.
m. j. s. vtriusque adianti. borrag. buglos.
cum rad. cichorij añ. m. j. seminum anisi
foeniculi, añ. drach. ij. hord. mūdati. p. j. *Apoze-*
ma.
prunorum dulc. passul. expurgata rum añ.
paria xij. polypod. querni recentis, myro-
bal. chebulo. medulæ seminis carta. añ.
vnc. s. foliorum sennæ mundatorū drach.
v. agarici recens trochis. drach. ij. her-
modactyl. drac. iij. florū saluiæ, stœchad.
rorismar. añ. p. j. s. trium florū commun.
añ. p. j. fiat decoctio: in lib. j. s. dissolue sac-
cha. q. s. clarificetur & dulcoretur pulu.
nucis moschatae & diamoschi dulcis añ.
drach. j. additis syrup. capillo. Vene. &
mellis rosa. cola. añ. vnc. iij. fiant quatuor
vel quinque doses.

Hæc eadem si diutius coxeris
saccharūque addideris magistra-
lem parabis syrupum, qui diutius
conseruari poterit, atque ut purga-
re possit efficacius, augebis purgā-
tia, additis sub finem decocti rha-
bar. electi in panno raro ligati &
bene expressi vnc. s. spicæ nardi

scrup. i. & aliquot syrups conuenientibus, Tandem probe concocto humore catharticum medicamentum ad agrotantis arbitrium hac vel illa forma concinnabitur:

Pilula.

Recip. pilularum de hermodact. de agaric. & quinque generibus myrobāl. añ. scrup. j. cum aquis conuenientib. fiant pilullæ quinque, quas deglutiet æger post primũ somnum. Eas efficaciores reddēs additis duobus vel tribus granis trochiscorũ alandahal. Itarũ verò locũ bolus confici poterit ex Catholici vnc. s. benedict. lax. & diaphcen. añ. drach. ij. vel fiat potio ex iisdem dissolutis in aquis suprà commemoratis. Vel quæ sequitur:

Potio purgās.

Recip. agarici recens trochis. & infusi in aqua betonicæ & expressi scrup. iiij. rhabarb. optimi in aqua cichor. & pauco vino albo infusi & expressi drach. j. s. cinna momi eodem modo præparati gran. iiij. diaphcenici drach. ij. syrup. ros. solut. vnc. j. s. syrup. de stœchad. vnc. s. cum decocto communi medicinarum potio fiat manẽ sumenda.

Quidam in hac Arthritidis specie ægros purgare solent electuario diaturpeto ex rhabbaro Motagnanæ, potissimum vbi pi-

tuitat

tuita flaua bilis permixta est. Nonnulli
autem caryocostino.

Ego vero sequenti confectione
haud ingrata sæpe vsus sum, cum
multorum egrotantium comodo:

Recip. succi cytoniorum lb. iiij. mellis de-
spumati lb. ij. coquantur ad debitam cō-
sistentiam. caryophyllorum, diacytoni-
tes drach. iiij. mastiches, piperis longi, cin-
namomi, nucis moschatæ añ. drachm. ij.
hermodactylorum vnc. s. turbith. vnc. j. s.
dacrydij drach. iiij. puluerizentur, & cum
melle optimè cocto misceantur, & ad
formam diacytonites reducantur. Huius
dosis est ab vnc. s. ad drach. vj.

Sequenti mane aut Theriacam
optimè dispensatam, aut bolum
ex conseruis betonicæ, saluie, ro-
risma. aut similibus capiet.

Post hanc vniuersalem purga-
tionem vti possumus suffumigiis
ad materiam in articulis impactā
digerendam.

Recip. hermod. calami arom. galangæ cras-
sæ añ. drach. iiij. iuxæ arthriti. florū stœcha-
dos añ. drach. ij. castorei drach. j. ligni a-

loes. scrup. ij. redigantur in puluerem,
& cum ladano remollito aquæ betoni-
cæ & terebinth. añ q. s. fiant trochisci,
qui prunis iniiciantur ad suffitum pro ar-
ticulis affectis.

Balnea.

Neque verò erit inutilis bal-
neorum naturalium vsus, qualia
sunt sulphurea, bituminosa & cæ-
tera, aut similia arte paratorum.

*Æstua-
rium sic
cum.*

Laconicum etiam cœu æstuariū
siccum potest parari, si lapidibus
ignitis inspergatur decoctum ex
salvia, lauendula, chamædry cha-
mepi. rorem. stœchad. bacc. lauri
cum vino, & in æstuario irrigen-
tur articuli aqua vitæ, vel illinan-
tur axungia humana aut ursina:
hæc enim materiam impactam di-
scutiunt: vel vnguento sequenti.

*Vnguen-
tum.*

Recip. vermium terrestrium in vino albo
ablutorum, limacum nigrarum añ q. s. bul-
liant in oleo oliuarum vsque ad debitam
coctionem: addendo herbæ paralytis, flo-
rum & foliorum ebuli, salviæ & artemi-
siæ añ m. j. Omnibus optimè coctis, atque

con-

contusis, addantur axungia vrsi, medullæ cerui, medullæ crutis bouis, & terebinthinæ añ vnc. ij. fiat vnguentum quo vngantur articuli calidè.

Cerebrum interim sequentem in modum non fuerit inutile aliquoties purgare.

Recip. massæ pilularum assariet & agari. *Pilulle*
ci recens trochis. añ drach. j. s. rhubarb. *ad vsum*
optimi. drach. s. trochisco. aladahal. seru.
j. Cum aqua beton. & iux arthriticæ, fiat
massa, ex cuius drach. j. pilulle fiant quin
que, quas capiat interdum dum non vte
tur syrupo magistrali superscripto.

Cerebrum quoque ita succetur
& roboretur.

Recip. pulueris diamoschi dulc. pulueris di
ambre añ drach. j. s. pulueris diarrho. ab
ba. drac. j. pulueris diamarg. frigid. drac.
s. sacchari dissoluti in aqua betonice &
iux arthrit. añ. q. s. Misce: fiat electua. so
lidum in tessellas ponderantes drach. iij.
ex quibus vnā sumat singulis diebus ma
ne. Aut eius loco;

Recip. cōseruæ flor. rorism. stœchiad. radic.
acori añ. vnc. s. cōseruæ, florum buglos.
vnc. j. pulueris diamoschi. dulc. & diar
rhod. abb. añ drachm. j. cum syrup. con-

*Elect.
cordiale*

Opiata

fect. acori & corti. citri añ partibus equalibus. fiat opiata : cuius dosis sit, ad instar nucis auellanae alternis diebus, superbibendo parum aque betonicę. Opiatę loco theriaces antique & probatę, ac hyeme præsertim, vsus saluberrimus erit.

Capiti etiam pulvis apponi debet ad roborandum & fluxiones sistendum.

*Sinapi-
mus.*

Recip. granorum tincto. cortic. citri sicci. nigellę Roma. parum torrefactę, coriandri præparati añ drach. ij. nucis mosch. caryophil. añ drach. j. santali citrini & rosarum rub. añ. scrup. ij. redigantur in tenuissimum pulverem, ex quo sinapizetur anterior pars capitis.

Arthritidis calidę curatio.

*Qualis
victus
ratio.*

EX signis supra designatis calidam Arthritidem deprehendere facile erit. Quare urgente dolore præscribenda victus ratio morbo contraria, modicę attenuans, & magis incrassans, propter bilem & sanguinem tenuem. Vinum penitus interdicens, nisi ex acerbita-

bitate doloris vires conciderent.
 Fugiendi verò sudores: grauius le-
 nim peccant, qui diuretica præscri-
 bunt qualiacunque. Aut diatas ex
ligno sancto imperat, vel spiritum
(vt aiūt) vitrioli propinant, vt quæ
 emaciando humidum innatū ab-
 sumunt. In hac Arthritidis specie
 parari possunt. clysteres emollien-
 tes, lenientes, & modicè refrigerā-
 tes: non acres, aut multum purgan-
 tes, vel mouentes, propter bilem
 quæ nimium ad fluendum irrita-
 retur. Vomitus necessarius in natu-
 ra aptis ad vomendum. Venæ se-
 ctio commoda, si fiat a sanguine
 morbus, ad reuellendum, nisi alia
 dissuadeant. Ex opposito verò la-
 tere secanda vena, nisi vtrumque
 latus affectum fuerit: tunc enim ve-
 nam ex vtroque latere secare non
 abs re fuerit. Si dolor sit ingens ac

Clyste-
res.

Vomitus

Vena se-
ctio.

valde excruciet, ad eum illicò sedā
dum est quod nos conuertamur.
Ad id erit accōmodata potio quæ
simul & semel somnum conciliet,
refrigeret & humectet. Humores
enim tenues incrassari ac inhiberi
postulant.

*Somni-
ferum.*

Recip. syrupi de papau. syrup. viola. añ vnc.
j. pulu. diama g. frig. drach. j. aquarum
lactu. & vio. q. s. misceantur. Sumat egro-
tus dormiturus longè præcedente tenui
cœna.

In iusculis quoque parentur no-
duli ex seminibus papau, albi. la-
tucæ & similibus pro more.

Interdum conferet potionis lo-
co, sumere confectionem Philonii
Rom. fideliter aliquot ante mēses
dispēsati, nam recens nimium stu-
pefaceret. Neque verò negligen-
da topica, si id ipsum doloris. vehē-
mentia poscere videatur.

*Cata-
lasma.*

Recip. mucilag. seminis psyllij extractæ, cū
aceto rosa. vnc. ij. panis macerati in lacte

mu-

mulieris vel capræ lb. s. vitell. ouorum
duos, omnia misceantur & agitentur si-
mul. Postea adde croci drach. s. opij the-
baici drach. j. misce, fiat in modum cata-
plasmatis, frigidè vel certè tepidè articu-
lis adhibeatur. Vel

Recip. capitum papau. albi & hordei añ p. j.
s. seminis hyoscyami albi drach. j. con-
quassentur, & in duabus aquæ libris fer-
uescant ad medietatis consumptionem.
deinde colentur & in vnc. viij adde mu-
cilag. seminis psyllij, lini & scœnugræci
cum aceto rosat. extractæ añ. vnc. iij. al-
bumina ouorum duo. olei rosa. vnc. iij.
Omnia simul agitata in modum linimen-
ti, applicentur articulis aut paulo suprâ
eos. Vel

*Lini-
mentū.*

Reci. vngu. populeo. vnc. ij. oui vitellū vnū,
opij drac. s. croci scrup. j. misceantur si-
mul, & inūgatur locus dolēs. Quod plu-
rimum prodest: quemadmodum radices
hyoscyami cum oleo chamæm. contusæ
vehementiori dolori succurrunt.

*Vnguen-
tum.*

Reliqua peragēda sunt eodem
modo, vt dictum est in Arthritide
frigida, ac per eadem medicamen-
ta styptica, quæ vasis imposita flu-
xionem repellant. Vel

M. ij.

*Cata-
plasma.*

Recip. rhois obsoniorum, foliorum & bac-
carum myrt. boli Armenæ añ. vnc. s. fan-
talorum omnium, acacie, gall. balau. añ.
drachm. j. farinæ lentium, corti. hordei.
añ. vnc. ij. olei rosa, & succi plantag. añ.
vnc. iij. Ex quibus fiat cataplasma, quod
apponatur sistendæ fluxioni.

Quia nec diu nec semper stu-
pefacientibus vti par est, quod est
imperitis in more positum, vicis-
sim ad lenientia & paregorica trā-
fire fuerit operæpretium.

Linctus

Recip. calsiæ recenter extractæ (si magnus
ardor adfit) cum aqua violarum q. s. illi-
nantur articuli. Idem præstat amurca o-
lei tepidè superimposita.

Quòd si calidior fuerit morbi-
fica materia

*Cata-
plasma.*

Recip. mucag. seminis psyllij extract. cum a-
qua rosa. vnc. iij. farinæ seminis lini
vnc. ij. cum succo solani & plantag. redu-
cantur in formam cataplasmatism. Vel

*Vnguen-
tum.*

Recip. cerus. cum aqua viol. lotæ. lithargyri
añ. vnc. j. succi foliorum salicis vnc. ij. o-
lei rosa. vnc. iij. croci scrup. j. cum modi-
co eeræ candidæ, fiat vnguentum ad eun-
dem vsum.

Ne

Ne in paroxysmo ob nimium
estum sitis molester, atque adeò vi
res prosternantur, Serapium robo
rans, & sitim sedàs præscribemus.

vt

Recip. syrupi violar. de endiuia simpl. oxy-
sacc. simpl. añ. vnc. ij. aque portulac. ace-
to viol. añ. vnc. iij. pulu. diamarg. frig. &
triasant. añ. drach. j. fiat iulep. limpidum,
& percolatum, quo vtatur extra cibos.

Arthritidis calidæ curatio

quietis tempore.

TEmpore quietis, ad præcautio
nē laborātes Arthritide sunt
purgandi vere & autumnio vti su-
prà diximus ex Hippoc. Rationē
purgandi habebis ex his quæ au-
thores abundē tradiderunt, & in-
ter cæteros Galenus libro Quos
quibus & quando purgare conue-
niat. Venam secabis, si desideret af-
fectus, hæmorrhoidas concitabis,
vel menses, vt suprà, in mulierib.

prouocabis. Primùm igitur appa-
rabitur humor tali decocto refri-
gerante mitigante & incrassante.

Recip. glycyrrhizæ rasæ parū contusæ vnc.
ij. bugl. cum rad. cichor. end. aceto. por-
tula. lenticulæ aque añ. m̄. j. seminis. end.
portula. añ drach. iij. seminū lactu. & pa-
pau. albi (si ingens sit doloris cruciatus
ab humore calido, tenui & multum fluē-
te) añ drach. ij. prunorum dulcium, pas-
sularum mundatarum. iuiubarum, & se-
bestem añ. paria xij. trium florū cordia.
añ. p. j. decoquantur in aqua hordei me-
diocriter cocti, atque in lb. j. f. dissolue
sacchari albiss. q. s. clarificetur & aroma-
puluer. di. marg. frigid. & triasanta. añ.
scrup. iij. syrup. viol. vnc. v. fiant quin-
que doses.

Sic apparatus humor purgabi-
tur cassia recens extracta in aqua
violarum in forma boli. Vel

Recip. decocti communis med. addendo
myrobal. citrin. drach. j. f. tamarind. vnc. f.
in colat. dissolue cassiæ recenter extractę
drac. vj. syrup. rosat. solut. & viol. añ. vnc.
j. ex his fiat potio sumenda in diei crepu-
sculo. & (vt moris est) sumendus erit bolus
altero die ex conseruis rosa. bugl. & viol.

Ita

Ita purgato corpore balneū aquæ dulcis tepidum erit perutile. Maximè vero in biliosis temperaturis, quòd corporis habitum leniat resoluat, acres vapores & bilis feruorem cōtemperet. Eodem modo & sequens emplastrum inclinante morbo.

Recip. mass. emplast. de scœnugr. ex descrip.

Auicē. vnc. iiii. feruefiat in aqua & aceto. facta tandem longa ebullitione misceatur. tantundem mellis, & iterum feruefiat, vt consistentiam emplast. acquirat ex qua fiant empl. debitæ magnitudinis articulis imponenda. Vel

Recip. medullæ cassiæ fistul. cum melle incorporat. vnc. iiii. pulu. hermodact. drac. tres, misceantur in modum cataplasmi.

Roborandæ verò partes principes & viscera eorum qui Arthriti de calida laborant, sequenti mixtura.

Recip. carniū cydoniorum saccharo condit. conser. rosa. antiq. añ. vnc. j. coralli rubri & loti cum aqua rosa. drachm. ij. ras. eboris. drach. j. s. margarit. splendid.

M. iiii.

- drach. j. mastice. scrup. ij. sacchari q. s. fiat mixtura: de qua sumat cochlear. j. statim a cibo, nihil superbibendo.

- Ad articulos firmandos erit saluberrimum post purgationes vniuersales tempore vndemiarū vasi multo pleno adhucq; feruenti eos immergere, in eoque aliquātisper immorari.

- Ad antiquos verò articulorum dolores tumore concitados efficacissima sunt & sæpe a nobis experta.

Rutæ syluest. folia frixa in sartagine cum oleo vel butyro calidè loco dolenti apposita.

Semen, & folia vrtice cum adipe vrsi innūcta.

Oleum in quo vulpes viua imposita tantisper bulliat donec caro colliquetur.

Stercus caprinum cum farina hordei & aceto ad formam cataplasmatidis redactum.

- Radix altheæ cocta, & cum adipe anatis commixta.

Oleum in quo radices Enulæ bis vel ter permutatæ ebullierint.

Rapa in iure pingui bene cocta.

Sacculus sale contritus plenus, in vino feruente madefactus & appositus.

Sal contritus in oleo chamem. ad linimenti formam redactus.

Stercus bubulum recens modo cataplas. applicatum vel cum oleo irino calefactum.

Lotium in quo sal & medius sambuci cortex ebullierint.

Chamepiteos pugillus in vino coctus & admotus.

Ex his & aliis similibus varię medicamentorum formę parari possunt ad demulcendos ac tollēdos antiquos articulorū dolores: & ea quę sequuntur ad id plurimū valēt.

Rec. duo capita veruecina cum duobus eorundem om. sis: simul decoquātur ad perfectionem, in alio verò cacabo decoquatur congeries formicarū. & vtraque bulliant ad medietatis consumptionem, quę refrigerata colentur paulatim vt partes supernatātes tantummodò colo traiciantur. Deinde misceātur eiusmodi decoctiones ad vsum sequentem seruandę. calefiant lapides durissimi & silices, & in decoct. prædictas immittantur, quò fumus excipiatur circa membra dolentia, pannis circumtecta, idque mane & vesp̄i per aliquod temporis spatiū, fricando partes eiusmodi dolentes. Deinde

Recip. lumbricor. terrestr. ablutorū in vino albo q. s. aq. vitę, olei chamem. an vnc. ij. olei

de spica vnc. j. misceantur, & per v. dies clibanò inclusa maneant, tandem pistentur, colo transmittantur, quibus addatur axungia taffi vnc. ij. axung. humanæ vnc. iij. axung. serpentis, seu ceruini, & axung. vrsi, añ. vnc. j. cera citrinæ vnc. iij. mixtis omnibus fiat unguent. ad illinendos calidè articulos. Item

Recip. olei petrol. olei de spica, olei terebinth. olei lauri añ. vnc. j. olei lumbricor. chamem. olei vulpi. olei amygdal. amara. & aquæ vite añ. vnc. ij. butyri veteris & saliti lb. j. olei nucum vnc. iij. butyrū liqueatur cum oleo nucum in vase nouo vitreato. deinde reliqua olea simul misceantur. æger liniatur tempore quietis præmissa vniuersali purgatione.

Sequens etiam sæpenuerò experti sumus.

Vulpem integrā excoriatam & frustratim incisam alabico plumbeo inclusam cum olei rutæ, lumbricorum, chamæm. añ. vnc. ij. aquæ vitæ quart. j. distillato, & ex ea aqua illiniantur articuli.

Ad antiquos & inueteratos articulorum dolores ex lue venerea sequens efficacissimum.

Recip. pyrethri, staphidosagria, euphorbij añ. drach. iij. nucis ind. vnc. f. cardamomi & seminis hyoscyami añ vnc. j. fugitiui vnc. iij. axungia porci non salita neque liquefacta lb. j. olei

olei de castor. lumbricor. & terebinth. añ
vnc. j. s. olei de spica & laur. añ vnc. ij. fiat vn
guent. quo vngantur articuli: si modò præ
cesserit vniuersalis purgatio, & diætā ex li
gno sancto aliquot diebus continuata.

Sequens etiam in hac eadem spe
cie Arthritidis plurimùm prodest.

Recip. massæ emplast. de ranis lb. s. euphorbij
drach j. argen. viui vnc. ij. cum modico cere
& terebinth. malaxentur cum oleo rutæ &
aqua vitæ ad formam cerati, quod partibus
nodosis applicetur. Horū loco aqua hac for
ma substitui potest efficacissima: maximè si
membra admodum sint refrigerata, partēs
que nodosæ: toti verò spinæ & partibus extre
mis adhiberi commodè poterit facta, vt su
prà, vniuersali purgatione ac, stragulis be
ne velandis & contegendus æger, vt sudo
ribus copiosis, qui in hac tantum specie sunt
promouēdi, pro viriū robore, ad v. vel vj.
interualla, vt humor ille crassus neruis impa
ctus digeri possit, quin & eadem aqua assu
mi potest ad vnc. iij. vel v. mane tribus ho
ris ante cibum.

Recip. orig. calament. pulegij, sisymb. centau.
mino, beto. herbe paraly. iue arthrit. sampsu
chi añ. m. j. succi ebuli, succi medianæ corti
cis sambuci añ. vnc. iij. rad. acori. vnc. iij. flo

vnc. j. euphorb. cast. añ vnc. j. f. sagapeni, opo-
panacis, ammo. galba. dissol. cū aqua vitæ añ
vnc. ij. lityracis calamitæ, ladani depurati,
belzuini añ drach. x. terebinth. resinæ pini
añ vnc. iij. Temperentur omnia simul in a-
qua vitæ optimè distillatæ spatio diei natu-
ralis. Post distil. omnia vt artis est in alembi-
co vitreo. seruetur vsibus ante memoratis.

Admota tamen magis utilis quā
assumpta, nisi in robustis. Quòd si
etiam in imbecillioribus tentare
visum fuerit, vnc. ii. vel iij. propi-
nasse satis superque fuerit. Sed
quia instituti nostri non est inte-
gram huiusce Arthritidis ex lue
venerea oriundę curationem tra-
dere: propterea quòd necesse esset
eius, à quo pendet morbus tracta-
tionē etiam inferere. Si quis plura
desideret, authores adeat, qui hac
de re plura ex professo scripserūt.
Nos verò, quibus satis est ea demō-
strare quæ de vera arthritide dici
possunt, iis contenti simus si coro-
nidis

nidis loco ea annotauerimus quæ
in extremis dolorib. solemus ad-
hibere.

Recip. seminis hyoscyami, papau. albi & ni- *Vnguen-*
gri añ. drach. ij. opij thebaici drach. s. olei *tum.*
papa. & vnguenti popul. añ. vnc. ij. ceræ al-
bæ q. s. in forma vnguenti applicetur tan-
tū loco dolenti.

Hæc ad veram rectamque Ar-
thritidis curandę methodum me-
dicinę candidatis ac veritatem co-
lentibus satisfacere arbitror. Ete-
nim etsi Paracelsistis displicere cer-
tò scio, mihi tamen satis fuerit ar-
ti meæ, hanc meam præstitisse o-
peram, ac pro verò Hippocratis
iureiurando, veritatēque i-
psa, cui omnino incum-
bendum est. ste-

AD TVSSANVM DV-
CRETVM DE SVO AR-
thritidis libello

EPIGRAMMA.

*Vlla non posse Arthritim curarier arte,
Vulgus ait medicorum. At tu Ducrete repelli
Posse doces: artis pandens arcana parentum:
Legitimamque viam tradis, methodumq, medendi.
Huc ergo properet quisquis depellere morbum
Artibus infestum cupiet cum laude, procúlque
Amandet Paracelsistas, gentemque proteruam,
Mentes que stolidas auri sub imagine fallit.*

P. Meillerii.

IN LIBRVM T. DVCRE-
ti de Arthritide.

DISTICHON.

*Dum multis prodest Ducretus seria tractans
Vendere nec fumos, nec dare verba docet.*

M. Bucheri.

INDEX RERVM IN HOC

libro contentorum.

Accidentia metallorum mutari posse, nō ipsam substantiam	105	Arthritid. melancholicæ signa	146, 147, 148
Animi pathemata	76, 77	Arthritid. sanguineæ si- gna	140
Arthritici q̄ dicātur	32	Arthritid. a causa frigi- da curatio	176
Arthritidis quid	28	Arthritidis calidæ cura- tio	176
Arthritidis vnde dicat.	28	Arthrit. tria inesse mor- borum genera	29
Arthritidis hereditaria	35	Arthritidē quæ efficiāt aut remoueant	53, 67
Arthritidis differentiæ	139	Arthritidē quomodo cu- rent Chymistæ	113, 130
Arthritidis summaria di- uisio	154	Arthritidē laborantibus quæ medicamenta præ- scribenda	129, 130
Arthritidis sedes	29	Articulū imbecillitas quæ do arthritidem contri- tuit	79, 80
Arthrit. symptomata	30		
Arthritidis causæ duæ primariæ	31		
Arthritidis causæ exter- næ, seu primitiua	42, 43		
Arthrit. causæ internæ	79		
Arthritid. causa Paracel- sistis	112, 113		
Arthritid. causa			

Balneis calidis quomodo utendum	54.55	modo fiant	87.88
Carbo vnde	99	Curatio methodica in arthritide frigida tempore quietis	169
Chemistæ, artis medicæ imperiti	131, 132	Curatio methodica in arthritide calida tempore quietis	181
Chyli partes duæ	114.115	Decoctorum utilitas	135
Chymicorum præparandi modus	125	Diarrhœa	129
Chymisticam artem colendum poenæ	106	Diarthrosis	39.40
Cibi & potus ratio, arthritidis gignendæ vim habet	60, 61, 62, 63	Diuresis	129
Cibo quatenus utendum	64	Ebrietas incommoda	65
Ciborum ingurgitatione quæ sequantur, incommoda	66.67	Edendum & bibendum, cur	75
Cinis vnde	99	Exercitationem non omnibus convenire	49, 50
Cælum pater metallorû Chymistis	104	Exercitationis commoda	47
Coitus quid, Hippocrati	71	Exercitationis tempus idoneum	48
Corpus omne physicum quatuor elementis simplicissimis constare	85	Filij parentum referunt ascititias notas	36, 37
Corporis nostri elementa	85	Flamma vnde	99
Corpora ex elementis quomodo fiant	87.88	Humor, arthritidis causa	80
		Humor arthriticus, vnde ad articulos proveniat	151
		Humores quomodo fiat	

I N D E X.

in nobis	88.89	Metallis pluribus cōmi-	
Humores, morbi causæ		xtis quid fiat	105, 106
138		Microcosmus Paracelso,	
Hydrargyrum non esse		quid	109
rerum principium	103	Obsoniorum varietas no-	
Limbus quid	108	xia	66, 67
Lues venerea, arthritidis		Olea ex rebus variis con-	
species	82	fecta	134, 135
Luis venereæ causa & cu-		Otium immodicum arti-	
ratio	82	culis officit	50
in Lue venerea articu-		Paracelsistarum doctri-	
lorum dolor	81	na in arte medica quàm	
Medicamēti nomine qd		inepta	137
contineatur	127	Paracelsus tria tantum re-	
Medicamentorum artis		rum elemēta statuit	90
Chymicæ vsus	121	Paracelsi iactantia repri-	
Medicinæ finis	155	mitur	92
Mercurius vnde fiat	102	Perioestio à lue venerea	
Metallica medicamenta		intēperies maxima	81
Chymicorū, noxia	124	σάπυρον	127
Metallum omne in argē-		Podagra quid Paracelso	
tum & aurum trāsmu-		II0, III	
tare gloriantur Chymi		Podagra quibus fieri	
stæ	104	prohibeatur	47, 52
Metallum			

INDEX.

dit	50	fo	90,91,95
Quintessentia Chymica		Symphysis	38
126		Syrarthrosis	38
Salem nō esse rerū prin-		Tartarus causa podagre,	
cipium	99,101	secundum Paracelsitas	
Sal, vnde consistat	99,	17	
100		Tartarum arthritidis ef-	
Sal quid operetur in cor		ficiendæ nequit esse	
poribus	101	causa	119
Sal factitius quomodo		Terra mater metallorū,	
paretur	100	Chymistis	104
Seminis vis	35,37	Ventriculi officium	114
Senibus solis aut valetu-		Ventriculi symptomata,	
dinariis balnea calida		& eorum causæ	118
olim exhibita	155	Venus immodica ad ar-	
Somnij commoda & in-		thritidis generationem	
commoda	51,52	quantum possit	70
Stillacij liquores	132,133	Veneris immodicæ incō-	
Sulphur non esse primu		moda	73
rerum principium	98	Victus ratio generalis in	
Sulphur quid operetur		arthritide	157
in corporibus	101	Vini potentis copiosius	
Sulphuris natura chemi-		poti incommoda	69
stis	97	Vitæ humanæ vtilia &	
Sulphure, mercurio, sale		inutilia, qualia sint	121,
omnia cōstare Paracel-		122	

F I N I S.

Errata sic corrigito.

*In Hexastico D. M. sic restitue versum penultimum,
Diuersis ita fert solatia plurima morbis. Pag. 50. lin.
5. at potius 54. 7. ne calfaciendo 93. 7. referre possis?
94. 4. imò & ipsi 106. 2. quiddam ibid. 5. audet: ab-
surdum 126. 11. insidiatur alijs, 146. 2. angustioribus*

orig. nos. 1. 1. 1. 1.

... ..
... ..
... ..
... ..
... ..

